



Broj: 02-04-14135-2/24
Sarajevo, 21.03.2024. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), a u vezi sa članom 34. stav (1) Zakona o prostornom uređenju Kantona Sarajevo („Službene novine Kantona Sarajevo“, broj: 24/17 i 1/18)Vlada Kantona Sarajevo, na17.sjednici održanoj **21.03.2024.** godine, donijela je

ZAKLJUČAK

1. Utvrđuje se prijedlog Odluke o pristupanju izradi Prostornog plana Kantona Sarajevo za period od 20 godina.
2. Prijedlog odluke iz tačke 1. ovog zaključka dostavlja se Skupštini Kantona Sarajevo na nadležno odlučivanje.
3. Ovaj zaključak stupa na snagu danom donošenja.

PO OVLAŠTENJU PREMIJERA

ministrica Softić Kadenić Darja

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Zavod za planiranje razvoja Kantona Sarajevo,
6. Ministarstvo komunalne privrede, infrastrukture, prostornog uređenja, građenja i zaštite okolišaKantona Sarajevo,
7. Evidencija,
8. A r h i v a.



Na osnovu člana 18. stav 1. tačka b) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17), člana 34. stav (1), a u vezi sa članom 25. stav (1) Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18), Skupština Kantona Sarajevo, na sjednici održanoj _____, donijela je

Prijedlog

ODLUKU
O PRISTUPANJU IZRADI PROSTORNOG PLANA
KANTONA SARAJEVO ZA PERIOD OD 20 GODINA

Odjeljak A. UVOD

Član 1.
(Vrsta plana)

Pristupa se izradi Prostornog plana Kantona Sarajevo za period od 20 godina (u daljnjem tekstu: Plan).

Član 2.
(Granice obuhvata)

- (1) Granica obuhvata Prostornog plana počinje sa kote 2070 zvanom „Pašina planina“, ide na sjeverozapad grebenom na kotu 2088 zvanom „Đokin Toranj“, koji se nalazi na tromedi naseljenih mjesta Dujmovići, Vrhovine i Zelumići, ide dalje granicom naseljenih mjesta Dujmovići i Zelumići grebenom na Bezimenu kotu 1954, gdje je tromeda naseljenih mjesta Dujmovići, Zelumići i Ljuta, nastavlja granicom naseljenih mjesta Dujmovići i Ljuta u pravcu sjeverozapada sa lijeve strane kote 1613 „Poljice“ preko „Šljemena“ i dolazi na kotu 1457 „Mlakve“, gdje je četvermeda naseljenih mjesta Rakitnica, Ledići, Dujmovići i Ljuta, nastavlja granicom naseljenih mjesta Rakitnica i Ljuta jugozapadno iznad k.č. 2596/1 putem i dolazi na parcelu k.č. 2511 zvana „Lokvanj“, te dolazi iznad parcele k.č. 2514 na mjesto zvano „Mlakva“, penje se na „Janjetu Glavicu“, skreće na put i dolazi na „Lugov Rad“ kota 1491, gdje je tromeda naseljenih mjesta Tušila, Rakitnica i Ljuta, ide dalje granicom naseljenih mjesta Tušila i Ljuta, skreće prema jugozapadu na kotu 1321, te sa nje na kotu 1467, produžava u istom smjeru pravom linijom na kotu 1534, lomi se pod uglom od 270° i izlazi na kotu 1774 zvana „Puzin“, gdje je tromeda naseljenih mjesta Tušila, Ljuta i Grabljevin, odnosno tromeda općina Kalinovik, Konjic i Trnovo. Granica obuhvata produžava na jugoistok, idući kroz državnu šumu, te dolazi sa sjeverne strane „Puzimskog groblja“, ide na sjeverozapad preko poteza zvanog „Jelenača“ granicom naseljenih mjesta Tušila i Gradiljina, te dolazi do kote „Ploča“ iznad „Bjelovka“, ide na jugozapad do kote „Struga“, lomi se idući na sjeverozapad preko „Oble glavice“ te dolazi na „Visoku Glavicu“, produžava preko „Glavice“, „Velikog Stubara“ i „Malog Stubara“ i dolazi do tromede naseljenih

mjesta Bobovica, Tušila i Luka, ide u pravcu juga preko kote "Kaoče" 1893,1 i dolazi do tromeđe naseljenih mjesta Luka, Bobovica i Lukomir, odnosno kote "Streha", produžava na sjeverozapad idući nizvodno potokom Medžeda i dolazi do njegovog ušća u rijeku Rakitnicu, produžava uzvodno rijekom Rakitnicom, te dolazi do tromeđe naseljenih mjesta Lukomir, Umoļjani i Bobovica, koja je udaljena 400 m uzvodno od ušća potoka koji dolazi od "Bukovog dola". Granica obuhvata produžava na sjeverozapad, te dolazi do sjeveroistočnog ugla parcele "Bešlića klanca", vlasništvo Čomor Begana i Alije iz Lukomira, nastavlja na sjeverozapad idući međom između parcela k.č. 1721 i 1720/1 zvane "Samograd", nastavlja na sjeverozapad idući preko kota "Ogranj" i "Kobilica" te "Marića Gvozda", te preko kote 1906 zvana "Vaganj" dolazi do kote "Krvavac" 2063,4, koja se nalazi na tromeđi općina Trnovo, Konjic i Hadžići, produžava na sjeverozapad preko kote "Okruglo", te dolazi do kote "Krnja jela" 1724, koja se nalazi na tromeđi naseljenih mjesta Ljubovčići, Gornja Bioča i Lukomir, produžava u pravcu juga idući preko kote "Krnja jela" i dolazi do kote "Javorak" 1742, ide na jugozapad do kote 1661 "Visin", skreće na sjeverozapad idući preko kote "Medena glava", te dolazi do kote "Mali Visin" 1576, lomi se idući na jugozapad te dolazi do kote 1246 zvanog "Vukovo polje", skreće na sjeverozapad do kote 1341, produžava na sjeveroistok i dolazi na kotu 1388 sa koje nastavlja na sjeverozapad, presijecajući put Džepi – Korča i dolazi na kotu 1577 zvana "Klek", nastavlja na sjeverozapad idući sa jugozapadne strane kote "Pleševac" 1604 i dolazi do kote "Crni Vrh", produžava na sjever te dolazi sa južne strane "Mijatove pečine", ide grebenom na istok i dolazi na kotu 1460 "Volujak", ide u pravcu sjevera preko "Obera šuma" i kote "Lise" te dolazi do kote "Veliki čair", produžava u pravcu zapada krivudajući, te dolazi na kotu "Lukavice", nastavlja na sjeverozapad do kote "Padovani", nastavlja u istom pravcu idući preko mjesta "Karaula" presjecajući put Sarajevo-Mostar idući granicom K.O. Korča i dolazi do tromeđe naseljenih mjesta Bradina, Donja Raštelica i Vukovići, produžava na sjeverozapad idući preko kota "Stjenica" i "Plane kose", te sjeveroistočnom stranom šume "Palike kosa", te dolazi do kote "Raskerčić kose", nastavlja preko državne šume "Ivan" i dolazi do četveromeđe naseljenih mjesta Gornja Raštelica, Bradina, Repovci i Tuhobići, odnosno kote "Veliko šljeme" 1534, produžava na sjeverozapad i dolazi do Crne rijeke, odnosno mjesta koje je 150 m udaljeno nizvodno od ušća Vrtljanskog potoka i potoka Babin do, odnosno tromeđe općina Kreševo, Hadžići i Konjic, nastavlja na sjeveroistok idući sredinom Crne rijeke i dolazi do tromeđe naseljenih mjesta Vidasovci, Grab i Gornja Raštelica, ide uzvodno sredinom Crne rijeke i dolazi do ušća u istu Česmen potoka, nastavlja uzvodno sredinom Crne rijeke, te kroz državnu šumu "Tmor" dolazi do kote "Tmor" 1315, produžava na istok i dolazi do kote "Vis" 968, produžava na istok i dolazi na južni rub parcele k.č. 1263, odnosno na Bijelu rijeku ide na sjever nizvodno Bijelom rijekom i dolazi do ušća Bijele rijeke u Lepenicu na mjestu "Sastavci", granica ide nizvodno sredinom rijeke Lepenica do mjesta "Stjenice", skreće na istok izlomljenom linijom granicom K.O. Pazarić preko kote "Sevit kosa" 868 do međe parcela k.č. 616 i 593/1, gdje se nalazi tromeđa naseljenih mjesta Medvjedica, Toplice i Zabrdje, produžava u pravcu jugoistoka granicom K.O. Pazarić do mjesta gdje južni dio parcele 636 dolazi do granice K.O. Drozgotetva, gdje se nalazi četveromeđa naseljenih mjesta Medvjedica, Zabrdje, Mokrine i Korijen, nastavlja granicom K.O. Drozgotetva i Bukovica do mjesta gdje međa istočnog dijela parcele k.č. 591 K.O. Bukovica izlazi na rijeku Lepenicu, ide nizvodno sredinom rijeke do ušća rijeke Toplice, gdje se nalazi tromeđa naseljenih mjesta Mokrine, Zabrdje i Bukovica, produžava nizvodno sredinom rijeke Lepenice do tačke gdje zapadni dio parcele k.č. 745 K.O. Bukovica dolazi do rijeke i granicom K.O. Drozgotetva i Bukovica dolazi do tromeđe naseljenih mjesta Mokrine, Bukovica i Koščan, skreće u pravcu jugozapada do tromeđe naseljenih mjesta Koščan, Bukovica i Solakovići, ide u pravcu jugoistoka do mjesta na kome put od zaseoka Brda dolazi do granice K.O. Drozgotetva, gdje je tromeđa naseljenih mjesta Koščan, Solakovići i Buturevići, nastavlja granicom K.O. Drozgotetva Kulješ do međe parcele 209/2 i 302/6, gdje je tromeđa naseljenih mjesta Buturevići, Solakovići i Gojakovac, dalje ide granicom K.O. Drozgotetva i Kulješ do kote "Međeđa Lokva" gdje je četveromeđa naseljenih mjesta Buturevići, Gojakovac, Tulica i Drozgotetva, produžava u pravcu sjeveroistoka preko kote "Oštrik", izbija na kotu "Plješevac" gdje se nalazi tromeđa naseljenih mjesta Drozgotetva, Tulica i Rudnik, a ujedno i tromeđa općina



Hadžići, Kiseljak i Ilidža. Od opisane tromeđe granica ide u pravcu sjevera do potoka koji se ulijeva u rijeku Lepenicu, što čini tromeđu naseljenih mjesta Rudnik, Tulica i Azapovići, nastavlja prema sjeveru u krivoj liniji granicom K.O. Rakovica i K.O. Kuliješ do ceste Sarajevo-Kiseljak, gdje je tromeđa naseljenih mjesta Rudnik, Azapovići i Buhotina, produžava cestom prema Kiseljaku do kote 625, na kojoj je tromeđa naseljenih mjesta Buhotina, Azapovići i Grahovci, ide dalje prema sjeverozapadu granicom katastarskih općina Rakovica i Kuliješ do puta koji izbija ispod naseljenog mjesta Vela na granici katastarskih općina Rakovica i Kuliješ kod k.č. 128/132 gdje je tromeđa naseljenih mjesta Vela, Buhotina i Grahovci, nastavlja u krivoj liniji prema sjeveru i zapadu granicom katastarskih općina Rakovica i Kuliješ do tromeđe naseljenih mjesta Vela, Grahovica i Draževići, produžava do tromeđe općina Ilidža, Kiseljak i Visoko, koja se nalazi na tromeđi katastarskih općina Rakovica, Palež i Goduša, nastavlja na jugoistok te istok idući međama parcela 1095/1, 1096, 560/61, 560/246, 560/248, 560/55 i 560/56, nastavlja na jugoistok idući južnim dijelom parcele k.č. 560/63 te dolazi do tromeđe naseljenih mjesta Vidovići, Goduša i Vela, produžava putem do tromeđe naseljenih mjesta Vela, Zenik i Vidovići, produžava putem Goduša-Gornja Bioča, te južnom stranom parcela k.č. 1105/189, 1105/180, 1105/181, 1105/191 i 1105/190, te dolazi do tromeđe općina Ilijaš, Visoko i Ilidža, produžava u pravcu sjevera idući krivom linijom između parcela 1105/173, 1105/85, 1105/143, 1105/138 i 1105/1 i dolazi do četveromeđe naseljenih mjesta Gornja Bioča, Čatići, Čifluk i Donja Bioča, produžava u pravcu sjevera granicom katastarskih općina Crnotina i Kralupi krivom linijom između parcela 16 i 36 preko kote "Višegrad", pa istočnom stranom parcela 1105/121, 1105/116, 359/197, 359/48 i 359/194 i dolazi do tromeđe naseljenih mjesta Donja Bioča, Čifluk i Luka, produžava na sjever do južnog dijela parcele 359/38, ide između parcela ostavljajući sa lijeve strane parcele 359/47, 359/46 i 359/193, zatim istočnom stranom parcele 359/8 produžava putem Zbilje-Čatići do tromeđe naseljenih mjesta Luka, Čifluk i Kadarići, dalje ide sjeveroistočnom stranom parcele 359/8 do tromeđe naseljenih mjesta Kadarići, Čifluk i Balibegovići koja se nalazi na najistočnijem dijelu parcele 359/8, skreće u pravcu sjeverozapada istočnom stranom parcela 359/8, 359/37 i 359/414 izbija na put Zbilje-Čatići, ide tim putem do četveromeđe naseljenih mjesta Balibegovići, Čifluk, Vlajčići i Ljubnići koja se nalazi na najsjevernijem dijelu parcele k.č. 359/414, nastavlja u pravcu sjeverozapada istočnom stranom parcela k.č. 359/412, 359/179, 359/29, 359/76, 1589/3 i 359/53 K.O. Kralupi, produžava putem Zbilje-Čatići do četveromeđe naseljenih mjesta Ljubnići, Vlajčići, Zbilje i Banjer koja se nalazi na trigonometrijskog tački "Dobrovo", dalje ide seoskim putem Čekrčići-Zbilje-Kralupi do tromeđe naseljenih mjesta Banjer, Zbilje i Vrelo koje se nalazi na najjužistočnijem dijelu parcele broj 259, skreće na sjever putem Čekrčići-Zbilje do tromeđe naseljenih mjesta Dalipolje, Banjer i Vrela koja se nalazi na raskršću puteva iz Čekrčića i Dalipolja, produžava u pravcu sjevera krivudavim odvojkom seoskog puta koji vodi iz Dalipolja, ide zatim seoskim putem Čekrčići-Banjer do tromeđe naseljenih mjesta Banjer, Dalipolje i Čekrčići koja se nalazi na mjestu gdje se seoski put ukršta sa potokom Čekrčići, nastavlja međom parcele 255/1 i izlazi na seoski put Dalipolje-Zbilje, nastavlja zapadnim dijelom parcele 123/1 pa između parcela k.č. 46/4, 46/5 i 46/1 dolazi na tromeđu naseljenih mjesta Banjer, Čekrčići i Odžak, produžava nizvodno rijekom Bosnom do tromeđe naseljenih mjesta Odžak, Čekrčići i Donja Vratnica koja leži na sredini rijeke Bosne u visini k.č. 615 K.O. Vratnica, dalje granica ide na sjever pored parcele 614/3 na trigonometar "Golubnjak" presjeca prugu Sarajevo-Zenica, ide pored parcela 596/3 i 596/8 južnom stranom posjeda Balorda Joke udove Milana i dr., obuhvata parcelu k.č. 1/1 i izlazi na tromeđu naseljenih mjesta Odžak, Donja Vratnica i Potkraj koja se nalazi na koti na sastavu parcela 1/1 K.O. Odžak i 64/1 K.O. Potkraj gdje je ujedno i tromeđa općina Ilijaš, Visoko i Breza, produžava na sjeveroistok i dolazi na trigonometar zvani "Jasike" koji je tromeđa naseljenih mjesta Potkraj, Lješevo i Odžak, ide u pravcu juga granicom katastarskih općina Potkraj i Elešehovići, te Podgora i Elešehovići, te dolazi preko trigonometra zvanog "Jame" do tromeđe naseljenih mjesta Vrbovik, Lješevo i Potkraj, ide na jug granicom katastarskih općina Vrbovik i Elešehovići, te dolazi do zapadnog dijela parcele k.č. 23/3, nastavlja u pravcu juga idući putem za naselje Vrbovik i izlazi na rijeku Stavnju prolazeći pored parcela k.č. 95/2, 93/1, 95/1 i 93/5 K.O. Vrbovik, ide uzvodno rijekom Stavnjom i dolazi do tromeđe

naseljenih mjesta Župča, Podlugovi i Vrbovik, ide na istok međama između parcela k.č. 796 i 882, prelazi put Podlugovi-Vareš, te nastavlja uzvodno Bezimenim potokom do njegovog izvora, odnosno mjesta gdje put iz Dolica dolazi do izvora Bezimenog potoka, ide na istok međama parcela k.č. 829, 833/2, 846/1, 838/3, 837 i 834 K.O. Podgora i dolazi do puta Mrakovo-Župča kojim produžava na istok i dolazi do tromeđe naseljenih mjesta Župča, Mrakovo i Sovrle kod muslimanskog groblja ide na istok putem ostavljajući parcele 1196/1, 1199/2, 1199/1, 1201/2 i 1201 u naselju Župča te dolazi do tromeđe naseljenih mjesta Župča, Popovići i Mrakovo, produžava u istom pravcu idući međama parcela k.č. 1205/2, 483/5, 1204, 1205/2, 483/5 i 383/4 koje ostaju u naselju Župča, te dolazi do tromeđe naseljenih mjesta Podgora, Župča i Popovići, odnosno mjesta gdje Bezimeni potok presjeca put Mrakovo-Župča, ide na istok Bezimenim potokom koji prolazi između parcela k.č. 1205, 445/1, 443/3, 480, 446, 78/1 i 55/1, te dolazi do izvora Bezimenog potoka kod parcele 2242/144, gdje je i tromeđa naseljenih mjesta Podgora, Popovići i Očevlje, ide putem na istok ostavljajući parcelu 2242/1 jednim dijelom u naselju Popovići, a drugim dijelom u naselju Očevlje, ide putem Misoča Donja-Očevlje, te dolazi do tromeđe naseljenih mjesta Očevlje, Misoča Donja i Popovići, odnosno do mjesta u blizini kote "Crveno brdo". Granica obuhvata nastavlja u pravcu istoka putem Taračin Do-Popovići, te kod južnog dijela parcele 2241/1 izlazi na rijeku Misoču, odnosno tromeđu naseljenih mjesta Očevlje, Taračin Do i Misoča, ide u pravcu sjevera sredinom rijeke Misoče, te dolazi do sjeveroistočnog ugla parcele 2518, odnosno tromeđe naseljenih mjesta Očevlje, Taračin Do i Slivno, ide uzvodno rijekom Misočom ostavljajući sa desne strane parcelu k.č. 82/1, te dolazi do ušća potoka Bujačin u rijeku Misoču, nastavlja uzvodno potokom Bujačin i dolazi do puta Slivno-Nasići, produžava pored parcela 759, 773, 774 i 781 K.O. Trtorići koje pripadaju naseljenom mjestu Nasići i dolazi do trigonometra koji leži na južnom dijelu parcele 781, produžava pored parcela 797, 799, 800 i 816 koje pripadaju naseljenom mjestu Nasići i dolazi do četveromeđe naseljenih mjesta Nasići, Čemernica, Višnica i Taračin Do, odnosno do kote "Kruševine" koja se nalazi na jugozapadnoj strani parcele 817/2, gdje je ujedno i tromeđa općina Breza, Ilijaš i Vareš, ide u pravcu sjevera preko mjesta zvanog "Ždrijelo", ide potokom koji cijepa parcelu k.č. 60/5 vlasništvo Đurić Riste, nastavlja putem preko potesa "Radina", te dolazi do mjesta gdje Ilijaški potok presjeca put koji vodi iz naselja Nasići, produžava uzvodno Ilijaškim potokom i dolazi do tromeđe naseljenih mjesta Čemernica, Mahmutovića Rijeka i Nasići, ide potokom uzvodno i dolazi do mjesta zvanog Bregovi, odnosno mjesta gdje izvire Ilijaški potok, produžava na sjeverozapad istočnim međama parcela 527/1 i 527/2, te preko kose "Markatovac" dolazi na sjeveroistočni rub parcele k.č. 60/1, gdje je i tromeđa naseljenih mjesta Mahmutovića Rijeka, Čemerno i Orahovo, produžava na sjeverozapad te dolazi do mjesta gdje se u rijeku Misoču ulijeva potok Selište gdje je i tromeđa naseljenih mjesta Orahovo, Zakutnica i Čemerno, ide uzvodno rijekom Misočom te dolazi na sjeveroistočni rub parcele k.č. 75/1 K.O. Trtorići gdje je ujedno i tromeđa naseljenih mjesta Zakutnica, Seoci i Orahovo, odnosno tromeđa općina Ilijaš, Breza i Vareš. Granica obuhvata ide uzvodno rijekom Misočom do ušća potoka Šumarak u istu, produžava na istok potokom Šumarak u dužini od 30 m do mjesta gdje ovaj presjeca željezničku prugu, produžava na sjeveroistok idući prugom do naselja Kunosići gdje je tromeđa naseljenih mjesta Kunosići, Zakutnica i Seoci, produžava izlomljenom linijom u pravcu sjeveroistoka željezničkom prugom za Okruglicu do tromeđe naseljenih mjesta Kunosići, Seoce i Okruglica koja se nalazi na ušću Pržuljskog potoka u rijeku Blažu na mjestu "Duga Luka", ide u pravcu jugoistoka uzvodno Pržuljskim potokom do tromeđe naseljenih mjesta Kunosići, Okruglica i Kunosići općina Vareš koja se nalazi na ušću potoka Jele u Pržuljski potok, produžava uzvodno Pržuljskim potokom do tromeđe parcela 115/18, 115/26 i 115/130 K.O. Kunosići, skreće u pravcu jugoistoka do tromeđe parcela k.č. 115/18, 115/13 i 115/27 K.O. Kunosići, ide zatim preko mjesta "Jela", skreće na jug i ide sredinom puta od Kunosića za Han Karaulu i dolazi do tromeđe naseljenih mjesta Kunosići, Zakutnica i Kunosići općina Vareš, produžava u pravcu jugoistoka siječe Kunosički potok i dolazi na tromeđu parcela k.č. 126/1, 126/11 i 126/122, presjeca željezničku prugu, pa izbija na mjesto "Alina hašča" na sjeverozapadnom uglu parcele k.č. 441 K.O. Stomorine gdje je tromeđa naseljenih mjesta Lađevići, Zakutnica i Kunosići, produžava na istok sijekuci put iz Lađevića za Kunosiće, skreće

pod pravim uglom prema sjeveru ostavljajući sa desne strane k.č. 436/4 K.O. Stomorine i dolazi do tromede naseljenih mjesta Buljetovina, Lađevići i Kunosići, produžava u pravcu sjevera krivudavim putem ka "Željezničkoj kosi" gdje se nalazi tromeda naseljenih mjesta Hadžići, Buljetovina i Kunosići, skreće u pravcu sjeverozapada granicom katastarskih općina Hadžići, Crna Rijeka i Kunosići kroz državnu šumu i dolazi do ušća potoka Kosica u potok Morina voda gdje je ujedno četvermeda naseljenih mjesta Hadžići, Kunosići, Čeče i Toljenak, dalje putem ide preko trigonometra na potesu "Hanište" gdje je tromeda naseljenih mjesta Kamenica, Hadžići i Toljenak, produžava u pravcu sjeveroistoka desnom stranom puta za Toljenak i dolazi do tromede naseljenih mjesta Kamenica, Toljenak i Ravne koja se nalazi na mjestu "Brci" kraj trigonometrijske tačke, nastavlja na sjeveroistok ostavljajući sa lijeve strane k.č. 1361 K.O. Blaža i dolazi do trigonometra koji se nalazi na potesu "Šuplji kamen", produžava u istom pravcu do izvora potoka Gnionica, ide nizvodno potokom do njegovog ušća sa potokom Studenac na mjestu zvanom "Ravne Ploče" gdje je ujedno i tromeda naseljenih mjesta Kamenica, Ravne i Musići odnosno tromeda općina Vareš, Ilijaš i Olovo, produžava u pravoj liniji na jugozapad do kote "Velika obla glava", skreće u pravcu jugoistoka do kote zvana "Mala obla glava", ide do kote "Lilice" te do kote "Pečena" skreće u pravoj liniji na istok i dolazi do tromede naseljenih mjesta Krivajevići, Kamenica i Musići, koja se nalazi na koti "Debelo brdo", dalje ide potokom Potočani do kote "Katkina korita", produžava na jug do tromede naseljenih mjesta Krivajevići, Musići i Ajdinovići, nastavlja u pravcu juga do potoka Malinovica, ide u izlomljenoj liniji sjevernom granicom k.č. 622/3 K.O. Hadžići do puta te putem do tromede naseljenih mjesta Krivajevići, Sudići i Ajdinovići, nastavlja putem na jugoistok do tromede koju čine k.č. 640/17 K.O. Dragoradi, 740/23 K.O. Sudići i 237/5 K.O. Kruševo, skreće u pravcu jugoistoka idući krivudavom linijom ostavljajući sa desne strane k.č. 640/17, 640/1, 640/16, 640/21, 637, 636, 129, 126/1, 142/2, 144, 142/1, 145, 150/1, 147/3, 147/1, 147/2, 150/3, 150/4, 150/2, 151, 149/1, 149/2, 130/8, 140/2, 140/3, 140/4, 139, 138/3, 138/2, 138/1, 108, 152/1 i 154 K.O. Dragoradi i k.č. 237/5, 237/2, 237/6, 361/3, 361/2, 361/4, 361/1, 361/7, 359/4, 359/3, 359/2, 337/8 i 264/1 K.O. Kruševo te dolazi do četvermede naseljenih mjesta Dragoradi, Gajine, Ajdinovići i Kruševo, produžava na jugoistok granicom katastarskih općina Dragoradi i Kruševo do mjesta zvanog Kutić gdje se nalazi tromeda naseljenih mjesta Vladojevići, Dragoradi i Kruševo, nastavlja na jugoistok u pravoj liniji do mjesta "Rudina voda" putem između katastarskih općina Dragoradi i Kruševo ostavljajući sa desne strane k.č. 661/1 K.O. Dragoradi a sa lijeve strane k.č. 381 K.O. Kruševo i dolazi do tromede naseljenih mjesta Banja Lučica, Dragoradi i Kruševo, ide na jugoistok preko potesa zvanog "Grabik" ostavljajući sa desne strane katastarske parcele k.č. 1/1 i 2 K.O. Banja Lučica i sa lijeve strane k.č. 381 K.O. Kruševo i dolazi do tromede naseljenih mjesta Kruševo, Banja Lučica i Vladojevići, produžava na jugoistok idući granicom naseljenih mjesta Vladojevići i Banja Lučica preko potesa "Hrastov gaj" i dolazi do granice između Entiteta utvrđene "Dejtonskim mirovnim sporazumom – Anex 2" Sporazum o međuentitetskoj liniji razgraničenja i relevantnim pitanjima potpisan 21.11.1995.god. sastavni dio su karte R = 1:50.000 gdje je ucrтана granica između Entiteta, produžava na jugozapad idući granicom između Entiteta utvrđene u Dejtonu koja je ucrтана na kartama R = 1:50.000 i dolazi do mjesta gdje naprijed navedena granica presjeca Lukavičku cestu u tački broj 37 utvrđenoj "Arbitražnom odlukom za naselja Dobrinja I i IV objavljenoj u Službenom glasniku Bosne i Hercegovine 11/2001.god. produžava na jugozapad idući tačkama br. 36, 35, 34, 33, 32, 31, 30, 29, 28, 27, 26, 25, 24, 23, 22, 21, 20, 19, 18, 17, 16, 15, 14, 13, 12, 11, 10, 9, 8, 7, 6, 5, 4, 3, 2 i dolazi do tačke broj 1 koja se nalazi na Aerodromskoj ulici (sastavni dio Arbitražne odluke za naselje Dobrinja I i IV objavljenoj u Službenom glasniku Bosne i Hercegovine 11/2001. su koordinate tačka od 1-37 kao i linija razgraničenja povučena na listovima (R=1:1.000). Granica obuhvata Kantona Sarajevo produžava na jugozapad te jugoistok idući granicom između Entiteta utvrđene Dejtonskim mirovnim sporazumom – Anex 2" Sporazum o međuentitetskoj liniji razgraničenja i relevantnim pitanjima potpisan 21.11.1995.god. (Sastavni dio Sporazuma su karte R = 1:50.000 na kojoj su ucrtane granice između Entiteta) i dolazi do tačke koja se nalazi 400 m jugozapadno od kote "Trijeska", a na granici naseljenih mjesta Zagor i Janići, produžava na jugozapad u pravoj liniji i



dolazi na greben "Golica", nastavlja u istom pravcu kroz državnu šumu i dolazi do raskršća puteva na grebenu "Kučišta", nastavlja šumskim putem u pravcu juga i dolazi do grebena "Dolci" gdje je četveromeđa naseljenih mjesta Zagor, Zbič, Kozarovići i Janići, nastavlja u pravcu jugozapada kosom preko grebena "Busel" i dolazi na raskršće puteva na koti "Vlahinja" gdje je i tromeđa naseljenih mjesta Zbič, Grebak i Zagor nastavlja na jugozapad idući putem preko "Talova brda" i dolazi do grebena "Kereša" gdje je tromeđa naseljenih mjesta Grebak, Balbešići i Zagor, produžava u istom pravcu idući preko grebena "Mataljka" i izlazi na "Kozji brijeg" sa kojeg produžava na jugozapad idući nizvodno Dubokim potokom i dolazi do tromeđe naseljenih mjesta Grebak, Mazlina i Balbašići, produžava do mjesta zvanog "Stara Karaula", te nizvodno Dubokim potokom i dolazi na kotu "Husov do" odnosno "Nadmandra" gdje je i tromeđa naseljenih mjesta Mazlina, Dragomlići i Balbašići, odnosno tromeđa općina Trnovo, Ustikolina i Kalinovik. Granica obuhvata produžava na zapad granicom naseljenih mjesta Balbašići i Dragomlići, skreće prema sjeverozapadu do mjesta zvanog "Nikolić Brezje" gdje je tromeđa naseljenih mjesta Krsmanići, Balbašići i Dragomlići, ide na zapad granicom naseljenih mjesta Krsmanići i Dragomlići iznad "Rude Glave", gdje obilazi k.č. 3921 sa lijeve strane kote 1249 "Oštri Vrh" kreće kosom na mjesto zvano "Poprdljivi do" gdje je tromeđa naseljenih mjesta Krsmanići, Sjeverovići i Dragomlići, nastavlja granicom naseljenih mjesta Sjeverovići i Dragomlići na zapad putem iznad "Jasika" do mjesta zvanog "Lice" iznad k.č. 3964 zvane "Rupe", odakle se odvaja put za "Šišiće", ide do potesa "Igrište" kota 1451 iznad k.č. 3943, nastavlja na zapad do mjesta zvanog "Borovača" na putu koji dolazi od "Lijeskovog dola" iznad "Vaganja" odnosno posjeda Golijanin Relje, produžava granicom naseljenih mjesta Česina strana i Unkovići iznad k.č. 3899/2 i puta do "Ljeskovog dola" do "Vaganja", zatim putem iznad k.č. 3948 zvani "Borovci" i dolazi iznad k.č. 3855 na mjestu zvano "Vareška strana" gdje se nalazi put koji vodi iz Unkovića za Češinu stranu gdje je i četveromeđa naseljenih mjesta Bašci, Češina strana, Unkovići i Varizi ide naprijed pomenutim putem na jugozapad u dužini od 800 m i izlazi na granicu između Entiteta utvrđene Dejtonskim mirovnim sporazumom - Anex 2 "Sporazum o međuentitetskoj liniji razgraničenja i relevantnim pitanjima potpisan 21.11.1995.god. (Sastavni dio potpisanog Sporazuma su i karte R = 1:50.000 na kojima je povučena linija razgraničenja između Entiteta) i dolazi do potesa "Krojačice Klanac" na kome je i tromeđa naseljenih mjesta Kozja Luka, Godinja i Gvozno, produžava na jugozapad idući granicom između naseljenih mjesta Godinja i Gvozno te dolazi do kote 2070 zvane "Pašina planina" odnosno mjesta odakle je opis granice Kantona Sarajevo i počeo.

- (2) Ukupna površina Kantona Sarajevo u granicama opisanim u prethodnom stavu iznosi 1.268,50 km².

Član 3.

(Usaglašavanje planskih dokumenata)

- (1) Predmetni Plan se mora uskladiti sa planovima višeg reda.
- (2) Planovi višeg reda iz stava (1) ovog člana su:
- Prostorni plan područja posebnih obilježja od značaja za Federaciju Bosne i Hercegovine „Autocesta na Koridoru Vc“ za period od 20 godina („Službene novine Federacije BiH“, broj 100/17). U granicu obuhvata ovog Plana ulazi i dio teritorije predmetnog Prostornog plana i to na području općina Ilijaš, Vogošća, Novi Grad, Ilidža i Hadžići,
 - Prostorni plan SRBiH za period 1981. -2000. godina („Službeni list SR BiH“, broj 18/82, 27/88 i 15/89).

Član 4.

(Period trajanja Plana)

- (1) Plan se donosi za period od 20 godina.
- (2) Period od 20 godina se računa od dana stupanja na snagu Odluke o usvajanju.



Odjeljak B. SMJERNICE ZA IZRADU PLANA PO TEMATSKIM OBLASTIMA

Član 5.

(Opće odredbe za izradu Plana)

- (1) Izvršiti analizu realizacije planskih rješenja i strateških opredjeljenja Prostornog plana Kantona Sarajevo („Službene novine Kantona Sarajevo“, broj 26/06, 4/11 i 22/17), te druge planske dokumentacije iz arhive Zavoda, sektorska strateška opredjeljenja - ministarstva, institucija, općina javnih preduzeća i sl.
- (2) Izvršiti analizu konačnih rezultata popisa stanovništva, domaćinstava i stanova u BiH 2013. godine - konačni rezultati iz jula 2016. godine i demografskih promjena na osnovu statističkih podataka za period 2016.-2024. godine objavljenih u publikacijama Zavoda za statistiku (FBiH i kantona). U tom kontekstu evidentirati disbalans između postojećeg stambenog fonda i demografskih pokazatelja, te isto analizirati uzimajući u obzir da stanovništvo nije “planska kategorija”, odnosno dobiveni rezultati ne mogu biti jedini parametar prostornog razvoja, nego treba uzeti u obzir i ostale planske kriterije (privredni, društveni, socijalni, kapaciteta prostora, itd.).
- (3) Neophodno je težiti značajnim ulaganjima u nove sofisticirane tehnologije, te njihovo smještanje u postojeće fizičke okvire (modernizacija postojećih kapaciteta), a koje će kroz obrazovanje, usavršavanje ljudskih resursa i primjenu novih tehnologija postati novi generatori razvoja i finansijskih tokova.
- (4) Omogućiti jednaku dostupnost usluga svim stanovnicima Kantona Sarajeva unapređenjem postojećih mreža, te sistematično i usklađeno infrastrukturno opremanje prostora društvenim, tehničkim, komunalnim i saobraćajnim sistemima kao preduslovom za ostvarivanja prava na stanovanje, zaposlenje, obrazovanje i liječenje.
- (5) Odrediti uslove građenje i korištenje površina građevinskog područja, kao i izvan građevinskog područja, a u funkciji korištenja prostora (građevine u funkciji poljoprivrede, šumarstva, vlastite gospodarske potrebe, sportsko-rekreacijske i turističke).
- (6) Izvršiti analizu studijske dokumentacije rađene za potrebe izrade PPKS i IDPPKS.
- (7) U postupku izrade Plana, preispitati i preuzeti opredjeljenja iz usvojenih sektorskih planova, politika i razvojnih planskih dokumenata, a koja su relevantna za izradu Plana.
- (8) Pripremu i izradu Plana izraditi u skladu sa odredbama Zakona o prostornom uređenju ("Službene novine Kantona Sarajevo", broj 24/17 i 1/18) i Uredbom o jedinstvenoj metodologiji za izradu planskih dokumenata ("Službene novine Federacije BiH", br. 63/04 i 50/07 i 84/10).

Član 6.

(Prirodni izvori i uslovi)

- (1) Prirodni izvori i uslovi su jedan od važnijih polaznih faktora za definisanje uslova prostornog planiranja i razvoja Kantona Sarajevo i podrazumijevaju sagledavanje više aspekata: geografski položaj, geomorfološke karakteristike terena, klimatske karakteristike, hidrografska mreža, geološka građa terena, hidrogeološke karakteristike, stabilnost terena, seizmičnost terena, raspored ležišta podzemnih voda i njihove zone zaštite te perspektivna nalazišta mineralnih sirovina.
- (2) Težiti racionalnom korištenju zemljišta, zaštiti okoliša i valorizaciji prirodnih vrijednosti u svrhu ugodnog življenja, poslovanja, razvoja sporta i rekreacije kao i turističkih potencijala, a u svrhu održivog razvoja Kantona Sarajevo.
- (3) Planirati adaptaciju i povećati otpornosti kompletne infrastrukture u odnosu na klimatske promjene, te preduzeti mjere na smanjenju negativnih posljedica klimatskih promjena na najugroženije sektore, uključujući poljoprivredu, vodne i šumske resurse, biodiverzitet i turizam,



te vršiti monitoring klimatskih promjena i njihovog uticaja na porast prosječnih godišnjih temperatura, količine padavina i ostalih klimatskih pojava koji dovode do različitih vrsta klimatskih hazarda poput klizišta, odrona, poplava i šumskih požara.

- (4) Uraditi nova istraživanja koja će dati odgovore na pitanje stabilnosti terena, te uslove i preporuke za izgradnju na pojedinačnim kategorijama terena, u skladu sa kategorizacijom utvrđenom od strane Zavoda, a u svrhu pravilnih usmjerenja razvoja i urbanizacije u Kantonu Sarajevo, čiji prostor pripada brdsko-planinskom tipu reljefa koji stvara prirodne uslove za pojavu i razvoj savremenih egzogenih procesa i pojava kao što su klizišta i odroni.
- (5) Povećati stepen istraženosti mineralnih sirovina s ciljem usmjeravanja njihovog racionalnog korištenja, eksploatacije, ekonomske opravdanosti ali i zaštite okoliša budući da su čvrste mineralne sirovine neobnovljivi prirodni resurs i bogatstvo čija se eksploatacija mora zasnovati na savremenim tehno-ekonomskim saznanjima i principima.
- (6) Kroz analizu postojećeg stanja detektovati potencijalne prostore čiji prirodni izvori omogućavaju optimalne uslove za korištenje obnovljivih izvora energije (vjetar, sunce, geotermalni i dr.).

Član 7.

(Stanovništvo i sistem naselja)

- (1) Definisati razvojne pravce i njihov intenzitet sa aspekta razvoja naselja i distribucije stanovništva, vodeći računa o tome da je pri izradi Plana jedno od najvažnijih polazišta policentrični (ujednačen) i skladan razvoj cijelog područja Kantona Sarajevo, pri čemu treba uzeti u obzir da Sarajevo kao glavni grad države nosi značajan uticaj na razvoj prigradskih područja.
- (2) Obzirom da stanovništvo ne predstavlja plansku kategoriju, kod definisanja budućeg razvoja naselja i raspodjele stanovništva, ne može se posmatrati isključivo sa aspekta postojećih demografskih trendova i strukture stanovništva, već prvenstveno sa aspekta formulacije primjernih politika prostornog, socijalnog i privrednog razvoja u granicama obuhvata plana i gravitirajućih zona.
- (3) Pri definisanju budućeg razvoja naselja i raspodjele stanovništva, obzirom da stanovništvo ne predstavlja plansku kategoriju, isto ne posmatrati isključivo sa aspekta postojećih demografskih trendova i strukture stanovništva, već prvenstveno sa aspekta formulacije primjernih politika prostornog, socijalnog i privrednog razvoja u granicama obuhvata plana i gravitirajućih zona.
- (4) Izvršiti usmjerenja u prostoru u skladu sa novonastalim saznanjima o potrebama i projekciji stanovništva, a na osnovu Izvještaja stanja u prostoru, kao i rezultata studije urađene za potrebe Prostornog plana Kantona Sarajevo za period od 2003. do 2023. godine i na osnovu ekspertiza urađenih za potrebe urbanističkih planova koji su u toku izrade.
- (5) Za planski period predvidjeti broj i strukturu stanovnika, a vodeći računa o iskazanim potrebama od strane nadležnih ministarstava Kantona Sarajevo, Gradske uprave Grada Sarajevo, općina na području Kantona Sarajevo, investitora i vlasnika zemljišta, radi dimenzioniranja kapaciteta: građevinskog područja naselja, društvenih i privrednih kapaciteta, itd.
- (6) Kod prostornog rasporeda vrste i strukture naselja, kao i strategija i intenziteta razvojnih pravaca naselja definisati:
 - a) kriterije određivanja građevinske vrste i veličine građevinskih područja za naselja, kao i građevinska područja izvan naselja (za izdvojene namjene),
 - b) nivo uređenja građevinskog područja, prema vrsti i značaju, te dati smjernice za prateće funkcije prema vrsti naselja.
- (7) U kontekstu racionalnog korištenja zemljišta, kako planiranog tako i postojećeg, aktivirati revitalizaciju i prenamjenu napuštenih i zapuštenih površina naselja.
- (8) Preispitati nivoe centara u kontekstu sistema naselja kako bi se postigla horizontalna i vertikalna usklađenost planske dokumentacije.

Član 8. **(Stanovanje)**

- (1) Potencirati razmještaj stanovanja u skladu s razvojnim pravcima, planiranim funkcijama u prostoru i policentričnim razvojem.
- (2) Stambene zone i prostorno širenje funkcije stanovanja i stambene izgradnje usmjeriti na općinske centre u skladu sa prostornim mogućnostima i naseljena mjesta u skladu sa sistemom naselja i definisanim pravcima razvoja, odnosno ukupnim prostornim kapacitetom kako naselja, tako i njihovih kontaktnih područja.
- (3) Odrediti uslove za eventualno formiranje novih, kao i obnovu postojećih stambenih zona uzimajući u obzir kvantitativne i kvalitativne kriterije i specifičnosti stambene zone sa aspekta položaja (centralni dijelovi, predgrađe i sl.).
- (4) Definirati uslove za rješavanje stambenog pitanja socijalno ugroženih, odnosno lica u stanju potrebe kroz instrumente socijalne politike.
- (5) Definirati društveno prihvatljive standarde i normative za tržišnu stambenu izgradnju i socijalnu stambenu izgradnju, te sanaciju neplanski izgrađenih zona naselja.

Član 9. **(Privreda)**

- (1) Konceptiju razvoja Kantona Sarajevo zasnivati na razvoju, afirmaciji i promovisanju sektora usluga, jačanju proizvodnog sektora i podsticanju sektora nove i kreativne ekonomije, kao i otvaranju mogućnosti komercijalizacije djelatnosti javnih službi.
- (2) Posebnu pažnju posvetiti novim prostornim i lokacionim formama i klasterima industrije (high-tech aglomeracije, tehnološki, industrijski, naučni parkovi, slobodne zone, biznis inkubatori itd.).
- (3) Razvoj privrede bazirati na racionalnom korištenju prostora i razvijanju privrednih zona kao i razvoju infrastrukture, planskoj organizaciji prostora u zonama privrede, tendenciji ka održivom razvoju privrede i stimulanju proizvodnje uz jačanje edukacije stanovništva, minimiziranju nepovoljnog uticaja na okoliš, razvoja sektora turizma i ugostiteljstva.
- (4) Posebnu pažnju posvetiti dislociranju privrednih zona iz urbanih u vanurbana područja, te ih locirati uz dobro planiranu infrastrukturu, prvenstveno saobraćajnu. Pri planiranju novih ili dislociranju postojećih proizvodnih, skladišnih i industrijskih postrojenja voditi računa o kvalitetnoj konekciji na primarne saobraćajne pravce, po mogućnosti različitih vidova transporta.
- (5) Definirati privredne površine koje se u ovom trenutku ne mogu koristiti iz razloga nedefinisanog vlasništva ili neizvjesnosti dekontaminizacije kontaminiranih površina, a predstavljaju površine sa postojećom infrastrukturnom opremljenošću i na koje treba računati za ovaj ili postplanski period.
- (6) Obratiti posebnu pažnju na dostupnost materijalnim sredstvima, osiguranju efikasne infrastrukture i energetske neovisnosti u kontekstu održivog razvoja i profiliranja Kantona Sarajevo kao regionalne i evropske metropole.
- (7) Razvijati strategiju profiliranja prostora kao ambijenta unosnog poslovanja sa podsticajem razvoja visoko profitabilnih sektora, posebno usluga i visokotehnoloških proizvoda/usluga, usklađujući sa očekivanom izmjenom strukture djelatnosti i planirajući korištenje prostora kako bi se odgovorilo na promjene u strukturi djelatnosti, posebno u smjeru rasta IT sektora i inovacija.

Član 10. **(Društvena infrastruktura)**

- (1) Društvena infrastruktura (društvene i komercijalne djelatnosti) će pratiti eventualne promjene broja stanovnika u cilju zadovoljenja njihovih potreba, polazeći od realnih materijalnih i prostornih mogućnosti, a uz uravnoteženost razvoja na cijelom prostoru Kantona Sarajevo.



- (2) Distribucija sadržaja društvenih djelatnosti prati sistem policentričnog razvoja, te ima znatan uticaj na razvoj naseljskih struktura, stoga se kod definisanje osnovne mreže društvene infrastrukture treba prvenstveno osvrnuti na nivoe i dostupnost gravitirajućeg stanovništva.
- (3) Izvršiti korekciju dosadašnjeg disbalansa u razmještaju kapaciteta društvenih djelatnosti i definisati primarnu mrežu društvenih djelatnosti, obezbijediti prostorne kapacitete, stvoriti preduslove za lociranja ovih sadržaja u prostoru, obzirom na demografske promjene kao i status Grada Sarajeva.
- (4) Izvršiti jačanje društvene djelatnosti sa aspekta grupisanja kompatibilnih sadržaja, te uvažiti minimalne važeće ili uobičajene prostorne standarde koje se primjenjuju u prostornom planiranju.
- (5) Kapacitet opremljenosti društvene infrastrukture potrebno je valorizirati na područjima intenzivne koncentracije stanovništva kako bi se obezbijedilo ravnomjerno zadovoljenje potreba stanovništva.
- (6) Analizirati demografski aspekt i rezultate studije „Demografija i sistem naselja“ (rađene za potrebe izrade Prostornog plana Kantona Sarajevo 2003. - 2023. godine), te u skladu s novonastalim saznanjima izvršiti usmjerenja u prostoru.
- (7) Jačanje sadržaja i optimizaciju kapaciteta društvenih djelatnosti, izvršiti u skladu sa potrebama iskazanim kroz javni interes stanovnika, nadležnih općina Kantona Sarajevo, Grada Sarajevo kao i ministarstava Kantona Sarajevo.

Član 11. (Poljoprivredna zemljišta)

- (1) Plansko usmjerenje zasnivati na trajnoj zaštiti, očuvanju i unaprjeđenju vrijednih poljoprivrednih zemljišta, povećanje ambijentalne i pejzažne vrijednosti poljoprivrednog područja.
- (2) Osigurati fizičku cjelovitost poljoprivrednih zemljišta i ukрупnjavanje parcela, te racionalno koristiti poljoprivredno zemljište kao važan prirodni i prostorni resurs.
- (3) Kroz planska opredjeljenja optimizirati proširenje površina građevinskog zemljišta i analizirati koja su kontaktna područja postojećih naselja adekvatna za proširenja, a u kontekstu podsticanja naseljavanje ruralnih područja i stvaranje uslova za njihovu demografsku revitalizaciju.
- (4) Posvetiti pažnju uređenju i zaštiti poljoprivrednog zemljišta u cilju podsticanja ruralnog razvoja posebno na brdsko-planinskom području u okviru razvoja seoskog ekoturizma.
- (5) Definirati uslove gradnje građevina u funkciji poljoprivrede i kompatibilnih pratećih sadržaj: ekoturizam, plasman proizvoda, poljoprivredno gazdinstvo i stambenog prostora u funkciji gazdinstva (procentualna zastupljenost).
- (6) Izraditi integrisanu namjensku studiju kojom će se izvršiti inventarizacija stanja, ažuriranje podataka o poljoprivrednom zemljištu, identifikacija promjena u načinu korištenja poljoprivrednih površina, te definisati upotrebna vrijednost poljoprivrednog zemljišta u Kantonu Sarajevo.
- (7) Na osnovu rezultata namjenske studije i karte upotrebne vrijednosti poljoprivrednog zemljišta i karte načina korištenja zemljišta, preispitati kategorije namjene i korištenja zemljišta utvrđene važećim Prostornim planom Kantona Sarajevo i utvrditi nove.

Član 12. (Šume i šumska zemljišta)

- (1) Kroz zakonsku i prostorno plansku regulativu, uskladiti mjere, metode i mehanizame održavanja i razvoja višestrukih ekoloških, privrednih i socijalnih uloga i funkcija šuma i šumskog zemljišta utvrđenih na raznim nivoima usmjerenja i projekcija.
- (2) Usmjeriti stručne i planerske aktivnosti (definirati uslove, prava i mogućnosti) po pitanju eksploatacije kamena na ovim zemljištima (ekspanzija otvaranja kamenoloma), te otvaranja kapaciteta prerade drveta (dominantno privatni sektor).

- (3) Izraditi program dugoročne rekonstrukcije niskoproduktivnih (razni oblici degradiranosti) površina šuma u stadij stabilne sastojine, a u skladu sa stanišnim potencijalima, te uspostaviti trajni monitoring površina u pogledu stabilnosti i strukture šumskih ekosistema.
- (4) Uskladiti granice gospodarskih jedinica šumskogospodarskog područja Kantona Sarajevo sa granicama planiranih namjena površina, odnosa privatnih i društvenih šuma i šumskog zemljišta, otkupa i supstitucije privatnih šuma i šumskih zemljišta u korist okrupnjavanja društvenih šuma i šumskog zemljišta. Sagledati mogućnosti planiranja drugih (kompatibilnih) sadržaja koji ne remete namjenu šuma i šumskih zemljišta.
- (5) Precizirati kriterije za utvrđivanje dinamike poduzimanja aktivnosti i mjera u pogledu poboljšanja stanja na površinama ove namjene, a koje se odnose na čišćenje minskih polja, evidentiranje, uklanjanje i zaštitu od štetnih agenasa.
- (6) Ispitati i utvrditi ekonomsku valorizaciju opštekorisnih funkcija šuma, kao ravnopravne osnove za slučajevne intervencije (investicije) u prostoru, argumentovanih isključivo ekonomskim efektima (kolizija gradnje i oblika zaštite).
- (7) Uspostaviti sistem organizovanog, racionalnog, ekonomičnog i poticajnog korištenja sekundarnih šumskih proizvoda.
- (8) Potrebno je pokrenuti aktivnosti u pravcu usklađivanja sa strukturom površina, kategorijama i mjerama zaštite: brojnost i ekološku gustinu populacija faune - sastav i struktura populacija, prirast, gubitke, ponašanje, zakonomjernost dinamike populacije u odnosu na pogodnosti biotopa za svaku vrstu obzirom na potrebu svake vrste za hranom, vodom, zaklonom, bonitet.

Član 13.

(Prirodno i kulturno-historijsko naslijeđe)

- (1) Graditeljske cjeline koje se nalaze unutar urbanog područja tretirati na način prikazan u relevantnoj dokumentaciji vezanoj za ovu oblast kao što su urbanistički planovi na području Kantona Sarajevo, a čija izrada je u toku, a graditeljske cjeline koje se nalaze van urbanog područja definisati pripadajućim obuhvatima.
- (2) Izraditi dodatni ekspertni elaborat i izvršiti geolociranje arheoloških lokaliteta i historijskih nekropola, te unijeti ove prostorne podatke u prostornu digitalnu bazu podataka o dobrima kulturno-historijskog i prirodnog naslijeđa.
- (3) Tretirati disperzno raspoređena pojedinačna dobra kulturno-historijskog naslijeđa u zavisnosti od značaja pojedinačnog dobra i veličine pripadajuće površine, koristeći prostornu digitalnu bazu podataka o dobrima kulturno-historijskog i prirodnog naslijeđa.
- (4) Održati kontinuitet tretmana etabliranih i evidentiranih i zaštićenih područja prirodnog naslijeđa uz mogućnost revidiranja obuhvata i kategorije istih, te izvršiti geolociranje prostora na kojima se nalaze geomorfološki i hidrološki pojedinačni spomenici prirode, s ciljem dopune prostorne digitalne baze podataka o dobrima kulturno-historijskog i prirodnog naslijeđa, saradnjom sa institucijom nadležnom za zaštitu kulturno-historijskog i prirodnog naslijeđa.

Član 14.

(Turizam, sport i rekreacija)

- (1) Racionalnije koristiti prostor uzimajući u obzir kriterije za razvoj sporta i turizma, orijentisati se investicionim programima koji se uspješno uklapaju u evropska tržišta,
- (2) Prema datim ograničenjima i režimima, planirati optimalnu vrstu i obim turističko-rekreativnih i sportskih sadržaja koji su zastupljeni sa turističko-ugostiteljskim sadržajima, namjenski izdvojenim i opremljenim površinama sa tačkama zadržavanja.
- (3) Distribuiranje smještajnih kapaciteta treba usmjeriti u poslovno-trgovačke centre i sportsko turističke centre,

- (4) Proširiti lokalitete na kojima su se razvile jače turističke destinacije i sportsko-rekreativne površine značajne za razvoj Kantona Sarajevo u skladu sa prostornim kapacitetima, kao i mjerama zaštite.

Član 15. (Saobraćaj)

- (1) Preispitati opredjeljenja i smjernica Prostornog plan Kantona Sarajevo za period 2003. do 2023. godine („Službene novine Kantona Sarajevo“, broj 26/06, 4/11 i 22/17).
- (2) Koristiti i preispitati rezultate izvršenih istraživanja za potrebe izrade Plana.
- (3) Planom dati smjernice za implementaciju urbane mobilnosti i smanjenje emisije gasova u Kantonu Sarajevo.
- (4) U fazi pripreme koristiti statističke podatke zvaničnih organa i institucija.
- (5) Preispitati zaštitne pojaseve saobraćajne infrastrukture u smislu njihovog usklađivanja sa važećim planskim opredjeljenjima, zakonskim i podzakonskim propisima, te utvrditi njihove minimalne distance.
- (6) Preispitati postojeće i definisati buduće pravce razvoja za sektor saobraćaja, u skladu sa principima prostornog razvoja i uređenja Kantona Sarajevo, kao i na osnovu do sada obrađenih analiza, ocjena stanja i mogućnosti razvoja:
- a) preferirati razvoj saobraćajnog sistema sa svim svojim podsistemima, uz maksimalnu dostupnost i povezanost, kako u okviru granica Kantona Sarajevo, tako i sa bližim i širim okruženjem, uz istovremeno minimiziranje negativnih uticaja na okoliš,
 - b) razviti sistem javnog prevoza putnika u gradskom, prigradskom i međugradskom saobraćaju treba da prati razvoj Kantona i rast Grada, direktno utičući na razvoj, ali i prilagođavajući mu se sa trajnim opredjeljenjem na favorizovanje ekološki prihvatljivijih prevoznih sredstava, kao i povećanje brzine i nivoa usluge javnog prevoza,
 - c) osigurati prostorne uslove i unaprijediti pješački i biciklistički saobraćaj za kretanje na većim udaljenostima,
 - d) smanjivati ili bar zadržati na postojećem nivou individualni automobilski saobraćaj, uz minimiziranje transportnog rada i vremena putovanja kvalitativnim poboljšanjem mreže cesta i ulica na području Kantona Sarajevo (novom gradnjom, rekonstrukcijom i kvalitetnijim održavanjem),
 - e) uključiti željeznicu u javni gradski i prigradski prevoz saglasno tehničko-tehnološkim mogućnostima i savremenim potrebama stanovništva i svih ostalih korisnika (privreda i sl.). Veću pažnju treba posvetiti razvoju integralnog transporta, u kojem je željeznica osnovni vid prevoza,
 - f) podsistem vazdušnog saobraćaja treba da obezbijedi transportno povezivanje u sistem vazdušnog saobraćaja prema potrebama Sarajeva kao glavnog grada Bosne i Hercegovine, regionalnog centra i evropske metropole,
 - g) propisati uslove neophodne za zadovoljenje potreba za mirujući saobraćaj u skladu sa odgovarajućim standardima pristupačnosti i kapaciteta posebno u centralnoj zoni urbanog dijela Grada, te i na ovaj način indirektno pozitivno uticati na ukupno stanje saobraćaja.
- (7) Razmotriti potrebe i mogućnosti za razvoj vertikalnog transporta (žičare, liftovi i sl.), obzirom na geomorfološke karakteristike terena na dijelovima urbanih područja.

Član 16. (Vode, vodne površine i vodna infrastruktura)

- (1) Zavodu će se kao Nosiocu izrade Plana, dostaviti svi izrađeni projekti i dostupni podaci od strane kantonalnih organa kojim ovim informacijama raspolažu, a koji su relevantni za planiranje u oblasti hidrotehnike (projekti vodovodne i kanalizacione infrastrukture, podaci o vodotocima, itd.).



- (2) Preispitati postojeće i definisati buduće pravce razvoja u oblasti „Vode, vodne površine i vodna infrastruktura“.
- (3) Upravljanje vodama na području Kantona Sarajevo usaglasiti sa planom višeg reda i potrebama koje odgovaraju zahtjevima Kantona, a sve u skladu sa zakonskom legislativom, tehničkim normativima i standardima. Preuzeti obaveze koje su utvrđene za Kanton Sarajevo sa aspekta voda iz Plana upravljanja vodama za vodno područje rijeke Save u Federaciji BiH (2022.-2027. Godina) - "Službene novine Federacije BiH", broj 75/22), te Katastar podzemnih izvorišta za dio koji se odnosi na Kanton Sarajevo i druge strateške i razvojne planove.
- (4) Planirati primarne objekte vodovodne i kanalizacione mreže i distribuciju potrebnih količina pitke vode i njihovu odvodnju nakon upotrebe, a na osnovu podataka o broju potrošača prema manjim prostornim cjelinama (npr. prema naseljima, mjesnim zajednicama) koje su nadležni kantonalni organi koji raspolažu ovim informacijama dužni dostaviti.

Član 17. (Snabdijevanje vodom)

- (1) Uraditi analizu postojećeg stanja raspoloživih resursa sa aspekta cjelokupnog upravljanja vodama na području Kantona Sarajevo.
- (2) Planirati kvalitetno i kontinuirano snabdijevanje vodom potrošača na području Kantona Sarajevo, koje u velikoj mjeri zavisi od bilansa postojećih i potencijalnih vodnih resursa koji će se definisati Planom, te od postojećih i planiranih potreba za vodom unutar obuhvata razmatranog područja, na način da se isti racionalno i ekonomično koriste, imajući u vidu njihovu ograničenost.
- (3) Preispitati opredjeljenja iz Prostornog plana Kantona Sarajevo („Službene novine Kantona Sarajevo“, broj: 26/06, 4/11 i 22/17) u pogledu dugoročnog rješenja snabdijevanja vodom kroz budući razvoj vodoprivrednih sistema, uz ispitivanja i detaljnu izradu geomehničkih i hidrogeoloških elaborata, kao i druge istražne projektne dokumentacije.
- (4) Pokrenuti aktivnosti na usaglašavanju i noveliranju postojećih odluka o zaštiti izvorišta vode za piće, te donošenje i usvajanje novih odluka o zaštiti izvorišta koja se koriste ili će se koristiti za javno vodosnabdijevanje.
- (5) Planirati prostor za izgradnju, odnosno formiranje akumulacija, kao i za nova potencijalna izvorišta koja se planiraju koristiti za snabdijevanje pitkom vodom, uz uspostavljanje zona sanitarne zaštite za iste.
- (6) Planirati primarne objekte vodovodnog sistema (rezervoari, pumpne stanice, transportnih i distribucionih cjevovoda itd.) koji će osigurati učinkovito, trajno i sigurno snabdijevanje vodom.

Član 18. (Odvodnja otpadnih i oborinskih voda)

- (1) Izvršiti analizu postojećeg stanja sa aspekta prikupljanja, odvodnje i tretmana otpadnih voda na području Kantona Sarajevo.
- (2) Zaštiti vode od zagađenja, raditi na postizanju dobrog stanja voda i sprječavati dalju degradaciju kvaliteta vode.
- (3) U planskom periodu omogućiti organizovano i kontinuirano odvođenje i tretman otpadnih voda svih potrošača na području Kantona.
- (4) Izvršiti međuentitesko i međukantonalno usaglašavanje planskih rješenja Kantona Sarajevo za postrojenja za prečišćavanje otpadnih voda, sa planskim opredjeljenjima susjednih kantona i Entiteta koja se odnose na prečišćavanje otpadnih voda na njihovom teritoriju, a u skladu s procedurama propisanim važećom legislativom.
- (5) Planirati postrojenja za prečišćavanje otpadnih voda u cilju zaštite vodotoka i izvorišta.
- (6) Planirati izgradnju separatne kanalizacione mreže, u skladu sa prostornim mogućnostima i utvrđenim načinom prečišćavanja otpadnih voda, a u cilju dovođenja u ravnotežu sa vodovodnim sistemom.

Član 19.
(Zaštita od voda i uređenje vodotoka)

- (1) Uraditi analizu postojećeg stanja sa aspekta kvaliteta i kvantiteta voda na području Kantona Sarajevo.
- (2) Definirati rizična poplavna područja vodotoka, te na osnovu toga planirati uređenje (regulaciju) i korištenje vodotoka.
- (3) Izraditi projektnu dokumentaciju za uređenje/regulaciju vodotoka, cijelom dužinom toka, na osnovu koje će se dobiti relevantni hidraulički parametri, uvažavajući prethodno izrađenu projektnu dokumentaciju na svim vodotocima;
- (4) Planirati aktivnosti i mjere u cilju poboljšanja kvaliteta i kvantiteta voda.

Član 20.
(Energetika)

- (1) Energetski razvoj Kantona Sarajevo će se pozicionirati u okviru ključnih strateških ciljeva energetike, odnosno sigurnosti snabdijevanja, cjenovne prihvatljivosti i održivosti (dekarbonizacije).
- (2) U skladu sa prostornim razvojem Kantona Sarajevo:
 - a) preispitati mogućnost diverzifikacije pravaca snabdijevanja prirodnim gasom u cilju povećanja sigurnosti snabdijevanja (u granicama predmetnog Plana). Identificirati ključne lokacije za proširenje mreže i mogućnosti smanjenja debalansa potrošnje u toku godine,
 - b) za kvalitetno snabdijevanje toplotnom energijom potrebno je obezbijediti stabilno snabdijevanje okolišno prihvatljivim energentima, te definisati područja razvoja sistema daljinskog grijanja,
 - c) definisati mogućnost povećanja udjela obnovljivih izvora energije za potrebe grijanja, u cilju smanjenja zagađenja zraka, povećanja neovisnosti o uvoznim energentima te ispunjavanju obaveza zadatih kroz Zelenu agendu za Zapadni Balkan i energetske tranziciju,
 - d) uskladiti strateške ciljeve u sektoru energetike sa usvojenim dokumentima i opredjeljenjima Kantona Sarajevo.

Član 21.
(Elektroenergetika)

Razvoj elektroenergetskog sistema Kantona Sarajevo, u planskom periodu biće definisan slijedećim aktivnostima:

- a) u skladu sa projekcijom demografskog rasta i prostornog razvoja Kantona Sarajevo, a uz uvažavanje postojećeg elektroenergetskog bilansa, obezbijediti razvoj elektroenergetskog sistema u cilju sigurnijeg i kvalitetnijeg snabdijevanja električnom energijom trenutnih i budućih potrošača na području Kantona Sarajevo;
- b) intenzivirati aktivnosti na većem učešću energije iz obnovljivih izvora energije (OIE) u energetske bilansu Kantona Sarajevo, te u tu svrhu uraditi dodatna istraživanja za određivanje potencijalnih lokaliteta za smještaj OIE.

Član 22.
(Telekomunikacije)

- (1) Za kvalitetno odvijanje telekomunikacionog saobraćaja na području Plana potrebno je izgraditi kvalitetne spojne puteve optičkim kablovskim vezama te obezbijediti telekomunikacionu infrastrukturu koja će kapacitetom i kvalitetom odgovoriti rastućim zahtjevima korisnika i omogućiti proširenje telekomunikacionih servisa na novu oblast.



- (2) Predvidjeti osnovne koridore za izgradnju kablovske kanalizacije u koju je moguće naknadno uvlačenje telekomunikacionih vodova i ugradnja povezane opreme.
- (3) Za međunarodno, magistralno i međumjesno povezivanje, trasu kablovske kanalizacije planirati podzemno slijedeći koridore saobraćajnica ili druge infrastrukturne koridore.
- (4) Novu kablovsku kanalizaciju u naseljima urbanog područja Kantona Sarajevo, planirati podzemno, dok je izvan granica urbanog područja mrežu moguće planirati i izvoditi kako podzemno tako i nadzemno.
- (5) Omogućiti poboljšanje pokrivanja, povećanje kapaciteta mreža i uvođenje novih usluga i tehnologija, u cilju ubrzanog tehnološkog razvoja mobilne mreže na području Kantona Sarajevo.
- (6) Uskladiti promjene stanja u prostoru i strateške ciljeve u sektoru telekomunikacija sa usvojenim dokumentima u cilju stvaranja održive, povezane i tehnološki napredne sredine.

Član 23. **(Zaštita i unaprijeđenje okoliša)**

Omogućiti ostvarivanje održivog razvoja Kantona Sarajevo uz vrednovanje prostora kao ograničenog resursa i maksimalno očuvanje okoliša kao bitnog faktora kvalitete života, prateći sljedeća usmjerenja i ciljeve:

- a) primjeniti usmjerenja iz važeće strateške i planske dokumentacije,
- b) koristiti do sada utvrđene rezultate istraživanja, a koja su primjerena za ovaj nivo planske dokumentacije,
- c) implementirati projekte koji su u skladu sa dugoročnim planskim usmjerenjem i većom ekološkom valorizacijom prostora,
- d) donijeti Odluku o provođenju strateške procjene uticaja Plana na okoliš i provođenje postupka u okviru kojeg će se izraditi Strateška studija s ciljem određivanja, opisivanja i procjene očekivanih znatnih uticaja na okoliš koje može uzrokovati provođenje Plana, kao i razmatranja razumnih alternativa koje uzimaju u obzir ciljeve Plana i zaštite okoliša. Strateškom studijom, između ostalog, treba procijeniti mogućnost prostora da prihvati nove namjene i sadržaje, izdvojiti prioritetne prostorne cjeline za koje će se dalje provoditi strateške procjene uticaja na okoliš, te dati prijedlog mjera zaštite okoliša, uključujući mjere sprječavanja, smanjenja i ublažavanja nepovoljnih uticaja provedbe Plana na okoliš,
- e) izraditi Studiju ranjivosti prostora koja će se koristiti prilikom vrednovanja prostornih karakteristika kod planiranja prostornog razvoja, a ista treba da sadrži vrijednosnu analizu stvarnog stanja kvalitete i ugroženosti prostora kao resursa, njegove vrijednosti i potrebne prioritete djelovanja na njegovoj zaštiti, sanaciji i unaprijeđenju,
- f) preispitati postojeće i analizirati mogućnosti i pravce restrukturiranja i razvoja privrede i nastanka novih obrazaca, primjenom ekoloških kriterija, u korištenju prostora i prostornoj organizaciji,
- g) izraditi Studiju o meteorološkim karakteristikama Kantona Sarajevo koja će, između ostalog, rezultirati relevantnim naučnim podacima u pogledu lokalne urbane klime, topografije i urbanizma,
- h) razmotriti mogućnosti širenja i poboljšanja gasnog sistema i sistema daljinskog grijanja uz integraciju tehnologija baziranih na raspoloživim obnovljivim izvorima energije (toplotne pumpe, geotermalna i vjetro energija, biomasa),
- i) uspostaviti savremenu saobraćajnu mrežu, sa visokom protočnom moći i povezanošću gradskih i prigradskih naselja, usmjerenu prema korištenju alternativnih goriva i okolišno prihvatljivih sredstava (javni prevoz, biciklizam, pješačenje i sl.),
- j) osigurati zaštitu i racionalno korištenje izvorišta pitke vode, mineralnih, termalnih i termomineralnih voda, te unaprijeđenje kvaliteta površinskih voda kroz uvođenje predtretmana industrijskih i sanitarnih otpadnih voda,
- k) trajna zaštita, očuvanje i unaprijeđenje vrijednih šumskih i poljoprivrednih zemljišta, te povećanje ambijentalne i pejzažne vrijednosti područja,

- 1) analizirati prirodne cjeline za zaštitu, predložene važećim Prostornim planom Kantona Sarajevo, utvrditi njihovu utemeljenost na osnovu trenutnog stanja i dati nove prijedloge u cilju formalno-pravne zaštite prirodnih vrijednosti, povećanja ukupnog procenta zaštićenih područja u Kantonu Sarajevo i njihovog uključivanja u ekološku mrežu međusobno povezanih područja (Natura 2000).

Član 24. **(Zaštita stanovništva i dobara)**

- (1) Minska polja – Označiti lokacije/područja ugrožena minskim poljima, koja su očišćena do posmatranog perioda izrade Plana i lokacije koje se planiraju očistiti u narednom periodu, a ostale lokacije je potrebno obilježiti u cilju smanjenja rizika od mina, dok se ne steknu uslovi za njihovo deminiranje, a sve u skladu sa podacima relevantnih službi koje učestvuju u procesu deminiranja - Centar za uklanjanje mina u BiH, BH MAC.
- (2) Skloništa – Predvidjeti izgradnju novih i prilagođavanje postojećih skloništa i drugih zaštitnih objekata za zaštitu i spašavanje ljudi i materijalnih dobara, kao i zaštita od elementarnih nepogoda i tehničkih katastrofa, a shodno procjeni ugroženosti područja Kantona Sarajevo od ratnih dejstava.
- (3) Zemljotresi – Planirati preventivne mjere zaštite od zemljotresa, obzirom da se na osnovu seizmotektonske karte BiH, područje Sarajeva nalazi u relativno visokoj seizmičnosti - VII° MCS.
- (4) Poplave – Potrebe zaštita od poplava zahtijevaju sinhronizovanu i brzu akciju na sprovođenju preventivnih planskih mjera uređenja slivnih područja rijeka na teritoriji Kantona Sarajevo i to: rijeke Bosne, Željeznice, Dobrinje, Zujevine, Tilave, Miljacke.
- (5) Klizanje tla – Napraviti sveobuhvatnu detaljnu evidenciju zona i lokaliteta gdje postoji mogućnost pomjeranja tla - pojave klizišta, te predvidjeti preduzimanje planskih mjera zaštite.
- (6) Požari – Poduzeti sve mjere preventive i zaštite da ne bi došlo do nastajanja požara u naseljima, industrijskim zonama, šumskim kompleksima i sl.
- (7) Ostale elementarne nepogode (vjetrovi, lavine, nanosi snijega, eksplozije, kontaminacije, industrijski akcidenti), a čiji efekti su slični kao u uslovima rata, zaštitu od istih obezbijediti kroz usklađivanje planskih rješenja sa potrebama zaštite od ratnih dejstava.

Član 25. **(Upravljanje otpadom)**

- (1) Prostornim planom Kantona Sarajevo potrebno je omogućiti održivo upravljanje otpadom koje podrazumijeva efikasno, ekonomski pristupačno i opravdano, te društveno prihvatljivo upravljanje, pri tome uvažavajući mjere zaštite okoliša i kontinuiran rad na uspostavi i unaprjeđenju integralnog sistema upravljanja otpadom.
- (2) S ciljem jedinstvene organizacije i funkcionisanja integralnog sistema upravljanja otpadom u Kantonu Sarajevo, potrebno je uzeti u obzir sljedeće:
 - a) koristiti usmjerenja iz važeće strateške i planske dokumentacije,
 - b) koristiti do sada utvrđene rezultate istraživanja, a koja su primjerena za ovaj nivo planske dokumentacije,
 - c) pokriti uslugom prikupljanja, transporta i odlaganja komunalnog otpada područja koja trenutno nisu uključena i područja koja nisu dovoljno pokrivena,
 - d) razviti strukture koje se nadovezuju na postojeći sistem prikupljanja i transport komunalnog otpada i baziraju na prevenciji i izdvajanju onih kategorija otpada koje se mogu materijalno i energetski iskoristiti u granicama tehničkih mogućnosti, ekoloških i ekonomskih dobiti,
 - e) uspostaviti mrežu tehničkih komponenti upravljanja komunalnim otpadom, a koja obuhvata dvolinijski sistem prikupljanja otpada, zelene otoke, reciklažna dvorišta i Regionalni centar za upravljanje otpadom (RCUU) „Šmiljevići“,

- f) koristiti rezultate Izvještaja o strategijskoj procjeni uticaja na okoliš za Prostorni plan područja posebnog obilježja "Regionalni centar za upravljanje otpadom (RCUO) – „Smiljevići“, koji je Vlada Kantona Sarajevo usvojila Odlukom br. 02-04-48995-13/22 od 08.12.2022. godine, te primjeniti opredjeljenje da se u obuhvatu RCUO vrši tretman miješanog komunalnog otpada u mehaničko-biološkom postrojenju, usvojen Zaključkom Vlade Kantona Sarajevo br. 02-04-32240-20/22 od 08.09.2022. godine,
- g) analizirati i utvrditi lokacije za odlaganje zemlje iz iskopa i reciklažu građevinskog otpada,
- h) sagledati pitanje zbrinjavanja nusproizvoda i otpada životinjskog porijekla i potencijalno utvrditi adekvatna prelazna rješenja za njegovo prikupljanje, tretman i zbrinjavanje na ekološki prihvatljiv način,
- i) sistemski sanirati i spriječiti ponovni nastanak nelegalnih odlagališta otpada,
- j) jačati javnu svijest o načinu i značaju smanjenja, pravilnog razvrstavanja, ponovne upotrebe, reciklaže i zbrinjavanja otpada.

Član 26.

(Komunalni objekti – Pijace i tržnice/snabdijevanje)

- (1) Uspostaviti mrežu pijaca disperzno raspoređenih kako bi se pokrivenost ovom uslugom obezbijedila na području cijelog Kantona Sarajevo, a u skladu s planiranim sistemom naselja, te na taj način svim žiteljima pružio jednak nivo i kvalitet ove vrste usluge.
- (2) Podići nivo usluga sanacijom i modernizacijom postojećih pijaca, te iznalaženjem novih lokacija i izgradnjom pijaca i/ili zatvorenih tržnica na njima, opremljenih adekvatnom infrastrukturom radi minimiziranja štetnih uticaja na okoliš i obezbjeđenjem novih sadržaja u skladu sa novim trendovima u prehrani, kao i eventualno opremanje i drugim servisnim i zanatskim uslugama.

Član 27.

(Komunalne površine – Groblja /sahranjivanje)

- (1) Planirati povećanje kapaciteta postojeće mreže gradskih grobalja u funkciji zadovoljavanja potreba sahranjivanja u narednom periodu, planiranjem i izgradnjom novih površina za sahranjivanje i proširenjem postojećih grobalja.
- (2) Postojeća stara groblja i mezarja očuvati kao vrijednu kulturno-historijsku i prirodnu baštinu, kroz izradu odgovarajuće planske dokumentacije.
- (3) Unaprijediti sistem upravljanja grobljima, povećati kapacitete i opremljenost grobalja adekvatnom infrastukturom radi minimiziranja štetnih uticaja na okoliš.

Odjeljak C. PODLOGE

Član 28.

(Ažuriranje i izrada karti)

- (1) Ažurirati temeljnu topografsku bazu (TTB10) Kantona Sarajevo i izraditi baze podataka za mjerilo karte 1:25.000 i 1:50.000.
- (2) Izvršiti vizualiziranje podataka temeljne topografske baze podataka (TTB10) Kantona Sarajevo te izraditi topografske karte mjerila 1:25.000 (TK25) i topografske karte mjerila 1:50.000 (TK50), koje u cijelosti pokrivaju teritorij Kantona Sarajevo, a dijelom obuhvataju i druge kantone i entitet.



Član 29.
(Izrada grafičkih priloga)

Grafički dio planskog dokumenta izrađuje se na topografskim kartama u mjerilu 1:25.000 i 1:50.000 u skladu sa Uredbom o jedinstvenoj metodologiji za izradu planskih dokumenata („Službene novine Federacije BiH“ broj 63/04, 50/07 i 84/10).

Odjeljak D. ROK IZRADE I FINANSIJSKA SREDSTVA

Član 30.
(Rok izrade Plana)

- (1) Rok za izradu Prostornog plana je četiri (4) godine od dana stupanja na snagu ove odluke.
- (2) Izrada Plana vršit će se po fazama u utvrđenim rokovima, i to:
 - a) Priprema (Pripreme aktivnosti) izrade Prostornog plana:
 - 1) donošenje Odluke o pristupanju izradi Prostornog plana Kantona Sarajevo: do kraja februar 2024. godine,
 - 2) Program i plan aktivnosti za pripremu i izradu plana: februar 2024. godine,
 - 3) Odluka o formiranju Savjeta plana: mart 2024. godine,
 - 4) dodatna istraživanja i priprema, te analiza analitičko dokumentacione osnove i izrada ažurnih podloga (topografske i digitalni orto-foto snimci): oktobar 2024. godine;
 - b) Izrada Plana:
 - 1) priprema i izrada Prostorne osnove: decembar 2025. godine (rok za izradu faze teče od dana kad se verifikuju podloge potrebne za izradu Plana),
 - 2) Prednacrt Plana: juni 2026. godine,
 - 3) Nacrt Plana: juli 2026. godine,
 - 4) javni uvid i javna rasprava na Nacrt Plana u trajanju od 60 dana: septembar 2026. godine; sumiranje rezultata/Izvještaj o provedenom javnom uvidu i javnoj raspravi: februar 2027. godine (3 mjeseca nakon roka (novembar 2026. godine) za dostavljanje primjedbi i sugestija sa javnog uvida i javne rasprave),
 - 5) Prijedlog plana: juli 2027. godine.
- (3) Detaljnija razrada rokova za pripremu, izradu i donošenje Plana, po pojedinim aktivnostima, sadržana je u Programu i planu aktivnosti za pripremu, izradu i donošenje Plana.
- (4) Rokovi i dinamika izrade Plana iz stava (2) ovog člana ovise od ispunjavanja uslova i poštivanja rokova koji se odnose na dobijanje podloga i elaborata za izradu Plana, kao i verifikacije podloga potrebnih za izradu Plana od strane Savjeta plana i Nosioca pripreme, te procedura javnih nabavki. Rok za izradu faze Prostorne osnove, teče od dana kad se verifikuju podloge potrebne za izradu Plana od strane Savjeta plana i Nosioca pripreme Plana. Moguća su odstupanja od utvrđenih rokova za izradu faza Plana obzirom da su navedeni rokovi uvjetovani usvajanjem faza Plana od strane Vlade Kantona Sarajevo ili Skupštine Kantona Sarajevo.

Član 31.
(Način osiguranja sredstava za izradu Plana)

Sredstva potrebna za pripremu i izradu Prostornog plana obuhvataju sredstva za izradu podloga, dodatnih istraživanja (studije, ekspertize), troškove učešća Savjeta plana i angažovanja eksperata/konsultanata, Programa uključivanja javnosti u proces izrade Plana, kao i druge troškove koji se mogu javiti za potrebe izrade Plana, a ista će se obezbijediti iz Budžeta Kantona Sarajevo za 2024., 2025., 2026. i 2027. godinu.



Odjeljak E. UČESNICI U PRIPREMI I IZRADI PLANA

Član 32.

(Nosilac pripreme i Nosilac izrade Plana)

- (1) Nosilac pripreme Prostornog plana je Vlada Kantona Sarajevo (u daljnjem tekstu: Nosilac pripreme).
- (2) Nosilac izrade Prostornog plana je Zavod za planiranje razvoja Kantona Sarajevo (u daljnjem tekstu: Nosilac izrade).

Član 33.

(Savjet Plana)

- (1) Za potrebe stručnog praćenja, usmjeravanja i utvrđivanja koncepta Plana, Vlada Kantona može, u roku od 30 dana od stupanja na snagu ove Odluke, posebnim aktom formirati Savjet Plana sastavljen od stručnih, naučnih, javnih i drugih lica.
- (2) Aktom iz prethodnog stava (1) utvrdit će se način obezbjeđenja i potrebna sredstva za rad Savjeta plana.

Član 34.

(Subjekti planiranja kod izrade planskog dokumenta)

Subjekti planiranja su nadležni organi uprave BiH, FBiH, Kantona, Grada i općina, kantonalna javna preduzeća iz oblasti privrede i javna komunalna preduzeća, pravna lica nadležna za vodoprivredu, šumarstvo, poljoprivredu, saobraćaj, energetiku, rudarstvo, turizam, zdravstvo, saobraćaj, energetiku, rudarstvo, turizam, zdravstvo, obrazovanje, kulturu, zaštitu kulturno-historijskog i prirodnog naslijeđa, zaštitu okoliša, organi nadležni za odbranu, privredne komore, društva i druga pravna lica nadležna za komunalne djelatnost, predstavnici vjerskih zajednica, vlasnici nekretnina, stanovništvo.

Odjeljak F. JAVNI UVID I JAVNA RASPRAVA

Član 35.

(Sudjelovanje javnosti)

- (1) U toku izrade Plana, obezbijedit će se sudjelovanje javnosti u svim fazama izrade Plana na osnovu Programa uključivanja javnosti u proces pripreme i izrade Plana, a koji je sastavni dio Programa i plana aktivnosti na pripremi, izradi i donošenju Plana.
- (2) Nosilac pripreme će izraditi Program uključivanja javnosti u proces pripreme i izrade Plana.

Član 36.

(Procedura javnog uvida i javne rasprave)

- (1) Nosilac pripreme utvrđuje Nacrt plana i podnosi ga Skupštini Kantona Sarajevo na razmatranje i stavljanje na javni uvid i javnu raspravu u trajanju do 60 dana.
- (2) Nosilac pripreme Plana organizuje i provodi javni uvid i javnu raspravu o Nacrtu plana, o čemu obavještava sve zainteresovane subjekte putem sredstava javnog informisanja.
- (3) Mjesto, vrijeme i način izlaganja Nacrta plana na javni uvid i javnu raspravu je definisano Programom uključivanja javnosti u proces pripreme i izrade Plana
- (4) Nacrt planskog dokumenta će se postaviti i na web stranici Nosioca pripreme i Nosioca izrade Plana.



- (5) Nosilac pripreme sumira rezultate u pogledu dostavljenih primjedbi i sugestija sa javnog uvida i javne rasprave, pribavlja mišljenje Savjeta Plana u pogledu istih i sačinjava Izvještaj o provedenoj javnoj raspravi i javnom uvidu sa obrazloženjem i razlozima zbog kojih pojedine primjedbe i sugestije nisu prihvaćene i dostavlja ga Nosiocu izrade. Nosilac izrade dužan je u tekstualni i grafički dio Plana unijeti sve prihvaćene primjedbe i sugestije.
- (6) Izvještaj o provedenom javnom uvidu i javnoj raspravi Nosilac pripreme dostavlja Skupštini Kantona Sarajevo uz Prijedlog plana i sastavni je dio dokumentacije Plana.

Odjeljak G. POSTUPAK IZRADE PLANA

Član 37.

(Strateška procjena uticaja na okoliš)

- (1) Za izradu Plana se utvrđuje obaveza izrade Strateške procjene uticaja na okoliš.
- (2) Izvještaj o strategijskoj procjeni je dokument u kojem se identifikuju, opisuju i procjenjuju značajni uticaji provođenja Plana na okoliš, zaštitu prirode, zaštitu zdravlja ljudi i kulturne baštine i moguće alternative koje uzimaju u obzir ciljeve zaštite okoliša i karakteristike područja na koje se Plan odnosi.

Član 38.

(Obavezni elementi Plana)

- (1) Postupak pripreme i izrade Plana obuhvata dvije osnovne faze:
 - a) priprema i izrada Prostorne osnove;
 - b) izrada Prednacrt, Nacrta i Prijedloga plana.
- (2) Priprema i izrada plana po fazama i obaveznom sadržaju je detaljno razrađena u Programu i planu aktivnosti na pripremi, izradi i donošenju Plana.

Član 39.

(Priprema i izrada prostorne osnove)

- (1) Prostorna osnova sadrži:
 - a) snimanje postojećeg stanja i problema u prostoru, uređenju prostora, te njegovu analizu i ocjenu mogućnosti daljeg razvoja,
 - b) opće ciljeve prostornog razvoja,
 - c) posebne ciljeve prostornog razvoja,
 - d) izradu osnovne koncepcije prostornog razvoja, odnosno smjernice planiranog prostornog razvoja, koje obavezno sadrže načela, ciljeve prostornog razvoja i
 - e) planska opredjeljenja, temeljena na zakonskim odredbama, relevantnim dokumentima Ujedinjenih naroda, Vijeća Evrope, Evropske unije i dr.,
 - f) izradu Studije ranjivosti prostora.
- (2) U okviru faze iz tačke a) i d) radiće se i Strateška procjena uticaja na okoliš (SEA).
- (3) Prostorna osnova se priprema i izrađuje na način utvrđen u članovima 12. do 17. Uredbe o jedinstvenoj metodologiji za izradu planskih dokumenata („Službene novine Federacije BiH“, broj 63/04, 50/07, i 84/10) (u daljem tekstu Uredba).
- (4) U toku postupka pripreme i izrade prostorne osnove vrše se istraživanja, rade se potrebne relevantne studije, studijski prilozi, elaborati, ekspertize, dokumentacija o korisnicima i prostora i slično.

Član 40.
(Izrada Prednacrt, Nacrta i Prijedloga plana)

- (1) Prednacrt, Nacrt i Prijedlog plana se sastoje od tekstualnog i grafičkog dijela.
- (2) Tekstualni dio Prednacrt, Nacrta i Prijedloga planskog dokumenta obuhvata:
 - a) opće i posebne ciljeve prostornog razvoja,
 - b) projekciju prostornog uređenja (razrada usvojene osnovne koncepcije prostornog uređenja),
 - c) projekciju razvoja prostornih sistema,
 - d) odluku o provođenju Plana.
- (3) Sadržaj tekstualnog dijela je definisan Zakonom o prostornom uređenju Kantona Sarajevo („Službene novine Kantona Sarajevo“, broj 24/17 i 1/18) i Uredbom, a detaljno je razrađen u Programu i planu aktivnosti na pripremi, izradi i donošenju Plana.
- (4) Grafički dio planskog dokumenta izrađuje se na tematskim kartama u mjerilu 1:50.000 kako je definisano članom 25. Uredbe:
 - a) sve teme obrađuju se po elementima razrađenim u tekstualnom dijelu Plana,
 - b) broj karata na kojima se daju navedeni sadržaji, ovisit će o mogućnostima objedinjavanja pojedinih tema, s tim da sadržaj mora biti pregledno prezentiran, odnosno da je moguća identifikacija površina i objekata svake pojedine teme.
- (5) Odluka o provođenju Plana:
 - a) odlukom se utvrđuju uslovi korištenja, izgradnje, uređenja i zaštite prostora, te na taj način obezbjeđuje realizacija Plana,
 - b) Odluka o provođenju Plana obuhvata i program mjera prostornog uređenja i aktivnosti za provođenje Plana, kao i detaljnija uputstva kojima se osigurava usklađivanje planske dokumentacije.

Član 41.
(Obezbjeđenje raspoložive dokumentacije)

- (1) Nosilac pripreme će putem resornih ministarstava i institucija Kantona Sarajevo, staviti na raspolaganje Nosiocu izrade dokumentaciju relevantnu za izradu Plana.
- (2) Ukoliko su tako raspoloživi dokumenti u pojedinim slučajevima nedostadni, Nosilac pripreme će, na prijedlog resornog ministarstva, osigurati dodatna istraživanja (studije i/ili elaborata i/ili ekspertiza za pojedine oblasti) i za to osigurati posebna potrebna sredstva.

Odjeljak H. ZAVRŠNE ODREDBE

Član 42.
(Grafički prilozi)

Sastavni dio ove odluke je grafički prilog – obuhvat Plana u R 1:200.000.

Član 43.
(Kontinuitet u planiranju i usaglašenost planske dokumentacije)

- (1) Do donošenja Odluke o usvajanju Plana i Odluke o provođenju Plana, primjenjivat će se Prostorni plan Kantona Sarajevo za period 2003. do 2023. godine („Službene novine Kantona Sarajevo“, broj 26/06, 4/11 i 22/17), ukoliko nije u suprotnosti sa planom višeg reda.
- (2) Pored praćenja usaglašenosti sa planovima višeg reda iz člana 3. ove Odluke u postupku izrade Plana, ukoliko neki od planova višeg reda bude usvojen do momenta usvajanja ovog Plana, Nosilac izrade dužan je izvršiti usaglašavanje Plana sa usvojenim planom višeg reda.



Član 44.
(Stupanje na snagu)

Ova odluka stupa na snagu narednog dana od dana objavljivanja u „Službenim novinama Kantona Sarajevo.“

**PREDSJEDAVALAČI SKUPŠTINE
KANTONA SARAJEVO**

Elvedin Okerić


Dostaviti:

1. Predsjedavajući Skupštine Kantona Sarajevo,
1. Zamjenici predsjedavajućeg Skupštine Kantona Sarajevo (3x),
2. Premijer Kantona Sarajevo,
3. Zavod za planiranje razvoja Kantona Sarajevo,
4. Za objavu u “Službenim novinama Kantona Sarajevo”,
5. Evidencija,
6. Arhiva.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562 068, Fax: + 387 (0) 33 562 211
Web: <http://vlada.ks.gov.ba>, E-mail: vlada@vlada.ks.gov.ba

PROSTORNI PLAN KANTONA SARAJEVO



O B R A Z L O Ž E N J E

I – PRAVNI OSNOV ZA DONOŠENJE ODLUKE

Pravni osnov za donošenje Odluke o pristupanju izradi Prostornog plana Kantona Sarajevo za period od 20 godina je član 18. stav 1. tačka b) Ustava Kantona Sarajevo ("Službene novine Kantona Sarajevo" br. 1/1996, 2/1996 - ispr., 3/1996 - ispr., 16/1997 - Amandmani I-XIII, 14/2000 - Amandmani XIV i XV, 4/2001 - Amandmani XVI-XVIII, 28/2004 - Amandmani XIX-XLII, 6/2013 - Amandmani XLIII-XLIX i 31/2017 - Amandmani L-LVII), kojim je propisano da je nadležnost Skupštine Kantona Sarajevo da između ostalog donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

Članom 34. Zakona o prostornom uređenju Kantona Sarajevo propisano da se prije pristupanja izradi ili izmjeni planskih dokumenata Skupštine Kantona, Gradsko ili općinsko vijeće, zavisnosti od nadležnosti za donošenje, donosi Odluka o pristupanju izradi ili izmjeni planskih dokumenata, dok je članom 25 stav (1) istog Zakona propisano da Prostorni plan Kantona Sarajevo donosi Skupština Kantona po prethodno pribavljenom mišljenju općinskih načelnika, gradonačelnika i Federalnog ministarstva prostornog uređenja na Prijedlog Prostornog plana Kantona.

Član 25. stav (1) Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) propisuje da Prostorni plan Kantona donosi Skupština Kantona po prethodno pribavljenom mišljenju općinskih načelnika, gradonačelnika i Federalnog ministarstva prostornog uređenja na prijedlog Prostornog plana Kantona.

Napominjemo da je donošenje predmetne odluke sadržano i u Programu rada Skupštine KS za 2024. godinu, kojim je propisano da je nosilac posla- predmetne odluke Zavod za planiranje razvoja Kantona Sarajevo.

Shodno navedenom, a u vezi sa članom 98. Stav (3) Zakona o organizaciji organa uprave u Federaciji Bosne i Hercegovine ("Službene novine FBiH" broj 35/05) kojim je propisano da između ostalog organi upravi i upravne organizacije u skladu sa programom rada zakonodavnog organa odnosno na njegov zahtjev pripremaju zakone i druge propise, to je Zavod kao nosilac izrade planske dokumentacije pripremio prijedlog Odluke, predviđen programima rada Vlade KS i Skupštine KS za 2024. godinu.

II – RAZLOZI ZA DONOŠENJE

De facto, Prostorni plan Kantona Sarajevo je razvojni i strateški planski dokumenti kojim se definišu osnovna načela i ciljevi prostornog uređenja, kao i zaštita, korištenje i namjena prostora, te kao takav predstavlja krovni planski dokument i osnov za sva daljnja planiranja koja se razrađuju kroz prostorne planove područja posebnih obilježja Kantona, urbanističke planove i detaljne planske dokumente.

Prostornim planom Kantona Sarajevo se utvrđuje osnovna namjena zemljišta - poljoprivredno, šumsko, građevinsko, vodna dobra i druge površine, urbana i vanurbana područja, prostor i zone predviđene za izgradnju privrednih građevina, javne i društvene infrastrukture, građevine i koridore magistralne i druge infrastrukture, prostorno definira ležišta mineralnih i ostalih sirovina, mjere zaštite, režim građenja, te propisuju uslovi korištenja, izgradnje i zaštite prostora poštujući načela prostornog planiranja i održivog razvoja.

Odlukom o usvajanju prostornog plana Kantona Sarajevo za period 2003. - 2023. godina („Službene novine Kantona Sarajevo“, broj 26/06, 4/11 i 22/17) usvojen je Prostorni plan Kantona Sarajevo za period od 2003. do 2023. godine.

Uzimajući u obzir da je period za koji je Plan usvojen do 2023. godine, a da je u međuvremenu:

- došlo do promjene legislative za oblast prostornog planiranja (Zakon o prostornom uređenju Kantona Sarajevo, „Službene novine Kantona Sarajevo“, broj 24/17 i 1/18), kao i određene legislative koja reguliše pitanja iz ostalih relevantnih oblasti u vezi sa izradom planskih dokumenata na području Kantona Sarajevo, a koja se tiče prostornog planiranja,
- da je usvojen planski dokument višeg reda: Prostorni plan područja posebnog obilježja od značaja za FBiH „Autocesta na Koridoru Vc“ za period od 20 godina („Službene novine Federacije BiH“, broj 100/17) (za period 2008. - 2028. godine),
- da su usvojeni Kantonalni plan zaštite okoliša za period 2017. - 2020. godina (usvojen dana 31.10.2017. godine Odlukom Skupštine Kantona Sarajevo) i njegove Izmjene i dopune („Službene novine Kantona Sarajevo“, broj 21/21), "Zeleni akcioni plan Kantona Sarajevo" za period 2021. - 2031. godina, usvojen Odlukom Vlade Kantona Sarajevo („Službene novine Kantona Sarajevo“, broj 25/21),
- da je došlo do promjene stanja u prostoru, a na osnovu izvještaja praćenja promjena stanja u prostoru Kantona Sarajevo koje Zavod radi svake godine i kojima se prati implementacija planske dokumentacije (Uredba o sadržaju i nosiocima jedinstvenog informacionog sistema, metodologiji prikupljanja i obrade podataka, te jedinstvenim obrascima na kojima se vode evidencije („Službene novine Federacije BiH“ broj 33/07 i 84/10)),

te na osnovu stručne analize svih relevantnih pokazatelja, a kako bi se uskladile promjene stanja u prostoru sa strateškim i razvojnim opredjeljenjima Kantona Sarajevo, u međuvremenu usvojenim planovima, kao i važećom legislativom potrebno je započeti sa aktivnostima za izradu novog Prostornog plana Kantona Sarajevo za period od 20 godina (u daljnjem tekstu: Plan).

Imajući u vidu navedene razloge, potrebno je donijeti Odluku o pristupanju izradi Prostornog plana Kantona Sarajevo obzirom da planski period Prostornog plana KS za 2003. do 2023. godinu završava.

Sredstva potrebna za izradu Plana obezbijedit će se iz Budžeta Kantona Sarajevo za 2024., 2025., 2026. i 2027. godinu:

- a) sa razdjela 27. Zavod za planiranje razvoja Kantona Sarajevo, ekonomski kod 613900 SAK010 Ugovorene i druge posebne usluge - Prostorni planovi Kantona Sarajevo.
- b) sa razdjela 33. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, ekonomski kod 614300 - Izrada prostorno planske dokumentacije.

Stvarno potrebna sredstva će se naknadno utvrditi zavisno od potrebe izrade studija i ekspertiza, a posebno imajući u vidu Studiju ranjivosti prostora i Stratešku procjenu uticaja na okoliš.

Članom 35. Zakona o prostornom uređenju KS propisano je da je Nosilac izrade Prostornog plana Zavod za planiranje razvoja Kantona Sarajevo, dok je članom 32. istog Zakona propisano da je nosilac pripreme dokumenata koje usvaja Skupština Kantona Vlada Kantona.

x

Prostorni plan Kantona, shodno i članu 18. Zakona o prostornom uređenju Kantona Sarajevo, utvrđuje osnovna načela planskog uređenja prostora, ciljeve prostornog razvoja, te zaštitu, korištenje i namjenu prostora, uz potpuno uvažavanje prirodnih i kulturno-historijskih vrijednosti, a donosi se za period od 20 godina.

Članom 1. Odluke o pristupanju izradi Prostornog plana Kantona Sarajevo za period od 20 godina (u daljnjem tekstu: Odluka), propisano je da se pristupa izradi Prostornog plana Kantona Sarajevo za period od 20 godina.

Članom 2. Odluke propisan je obuhvat predmetnog Plana.

Članom 3. Odluke propisana je obaveza usklađivanja Plana sa planovima višeg reda.

Članom 4. Odluke propisan je period za koji se donosi Plan.

Članom 5. Odluke propisane su opće smjernice za izradu Plana.

Članom 6. Odluke propisane su smjernice za izradu Plana koje se odnose na prirodne izvore i uslove.

Članom 7. Odluke propisane su smjernice za izradu Plana koje se odnose na stanovništvo i sistem naselja.

Članom 8. Odluke propisane su smjernice za izradu Plana koje se odnose na stanovanje.

Članom 9. Odluke propisane su smjernice za izradu Plana koje se odnose na privredu.

Članom 10. Odluke propisane su smjernice za izradu Plana koje se odnose na društvenu infrastrukturu.

Članom 11. Odluke propisane su smjernice za izradu Plana koje se odnose na poljoprivredna zemljišta.

Članom 12. Odluke propisane su smjernice za izradu Plana koje se odnose na šume i šumska zemljišta.

Članom 13. Odluke propisane su smjernice za izradu Plana koje se odnose na prirodno i kulturno-historijsko nasljeđe.

Članom 14. Odluke propisane su smjernice za izradu Plana koje se odnose na turizam, sport i rekreaciju.

Članom 15. Odluke propisane su smjernice za izradu Plana koje se odnose na saobraćaj.

Članom 16. Odluke propisane su smjernice za izradu Plana koje se odnose na vode, vodne površine i vodnu infrastrukturu.

Članom 17. Odluke propisane su smjernice za izradu Plana koje se odnose na snabdijevanje vodom.

Članom 18. Odluke propisane su smjernice za izradu Plana koje se odnose na odvodnju otpadnih i oborinskih voda.

Članom 19. Odluke propisane su smjernice za izradu Plana koje se odnose na zaštitu od voda i uređenja vodotoka.

Članom 20. Odluke propisane su smjernice za izradu Plana koje se odnose na energetiku.

Članom 21. Odluke propisane su smjernice za izradu Plana koje se odnose na elektroenergetiku.

Članom 22. Odluke propisane su smjernice za izradu Plana koje se odnose na telekomunikacije.

Članom 23. Odluke propisane su smjernice za izradu Plana koje se odnose na zaštitu i unaprijeđenje okoliša.

Članom 24. Odluke propisane su smjernice za izradu Plana koje se odnose na zaštitu stanovništva i dobara.

Članom 25. Odluke propisane su smjernice za izradu Plana koje se odnose na upravljanje otpadom.

Članom 26. Odluke propisane su smjernice za izradu Plana koje se odnose na komunalne objekte – pijace i tržnice.

Članom 27. Odluke propisane su smjernice za izradu Plana koje se odnose na komunalne površine – groblja i sahranjivanje.

Članom 28. Odluke propisuju obavezu ažuriranja temeljne topografske baze Kantona Sarajevo i izradu baze podataka.

Članom 29. Odluke propisuju izradu grafičkog dijela plana na topografskim kartama u mjerilu 1:25.000 i 1:50.000.

Članom 30. Odluke propisani su rokovi izrade Plana.

Član 31. Odluke propisuju način osiguranja sredstava za izradu Plana

Član 32. Odluke propisuju ko je nosilac pripreme, a ko nosilac izrade Plana.

Članom 33. Odluke propisuju se mogućnost formiranja Savjeta Plana.

Član 34. Odluke propisuju sve subjekte planiranja.

Član 35. Odluke propisuju sudjelovanje javnosti u izradi plana.

Članom 36. Odluke regulisane su pitanja koja se odnose na procedure javnog uvida i javne rasprave.

Član 37. Odluke propisuju obavezu izrade Strateške procjene uticaja Plana na okoliš.

Članom 38. Odluke propisani su obavezni elementi Plana.

Član 39. Odluke propisuju sadržaj prostorne osnove i način njene izrade.

Član 40. Odluke propisuju izradu faza Plana i to prednacrt, nacrt i prijedloga.

Članom 41. Odluke propisan je način obezbjeđenja raspoložive dokumentacije.

Član 42. Odluke propisuju da je grafički prilog sastavni dio ove Odluke.

Član 43. Odluke propisuju nastavak primjene Prostornog plana Kantona Sarajevo za period 2003. do 2023. godine, do usvajanja ovog Plana.

Članom 44. Odluke propisano je stupanje na snagu Odluke.

USTAV

KANTONA SARAJEVO

("Sl. novine Kantona Sarajevo", br. 1/1996, 2/1996 - ispr., 3/1996 - ispr., 16/1997 - Amandmani I-XIII, 14/2000 - Amandmani XIV i XV, 4/2001 - Amandmani XVI-XVIII, 28/2004 - Amandmani XIX-XLII, 6/2013 - Amandmani XLIII-XLIX i 31/2017 - Amandmani L-LVII)

I - OPĆE ODREDBE

Član 1

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3

Naziv i sjedište Kantona

Službeni naziv Kantona je: Kanton Sarajevo.

Sjedište Kantona je u Sarajevu.

Član 4

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavaње građana sa područja Kantona na neki od propisanih načina.

Član 4a

U Kantonu Sarajevo općine Centar, Novi Grad, Novo Sarajevo i Stari Grad čine Grad Sarajevo (u daljem tekstu: Grad) kao jedinicu lokalne samouprave.

Grad ima Statut, koji mora biti u skladu s Ustavom Federacije Bosne i Hercegovine, ovim ustavom i zakonom i principima koji su tim propisima utvrđeni.

Statutom Grada uređuju se i pitanja od vitalnog nacionalnog interesa, u skladu sa principima utvrđenim u Ustavu Federacije i Ustavu Kantona.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16

Opća odredba

Zakonodavnu vlast u Kantonu vrši Skupština Kantona.

Član 17

Sastav Skupštine

Skupština je jednodomo predstavničko tijelo sastavljeno od 35 (tridesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Pripadnicima nacionalnih manjina u Kantonu garantuje se jedno poslaničko mjesto u Skupštini, koje se popunjava u skladu sa izbornim propisima.

Izbor poslanika u Skupštini provodi se sukladno izbornim propisima, s tim što izbore raspisuje i provodi Skupština.

Mandat poslanika u Skupštini traje četiri godine.

Klub delegata konstitutivnog naroda formira se uz uslov da postoji najmanje jedan delegat tog konstitutivnog naroda u Skupštini.

Klub Ostalih formira se uz uslov da postoji najmanje jedan poslanik koji se izjašnjava kao Ostali odnosno kao pripadnik nacionalne manjine.

pogledati Amandmane XIV, XX i XLIV

Član 18

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dali u nadležnost Vlade Kantona;
- c) *(brisan)*
- d) utvrđuje politiku i donosi programe razvoja Kantona;

- e) potvrđuje Vladu Kantona;
- f) i g) *(brisan)*
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općinu, Grad i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

pogledati Amandmane III i XXI

Član 18a

Predsjedavajući i zamjenici predsjedavajućeg Skupštine

Skupština ima predsjedavajućeg i tri zamjenika predsjedavajućeg, koji se biraju iz reda konstitutivnih naroda i Ostalih.

Svaki klub delegata konstitutivnih naroda i Ostalih predlažu po jednog kandidata iz reda svojih članova za izbor na mjesto predsjedavajućeg ili zamjenika predsjedavajućeg Skupštine.

Kandidate za izbor na mjesto predsjedavajućeg ili zamjenika predsjedavajućeg Skupštine potvrđuje Skupština, u skladu sa svojim poslovníkom.

Ako jedan konstitutivni narod i Ostali nije zastupljen u Skupštini, jedno od mjesta zamjenika predsjedavajućeg ostaje upražnjeno.

Četiri kandidata koje potvrdi Skupština odlučuju između sebe ko će biti predsjedavajući Skupštine.

pogledati Amandmane IV, XXII i XLV

Član 18b

Nadležnosti predsjedavajućeg Skupštine:

- predstavlja i zastupa Skupštinu u zemlji i inostranstvu
- imenuje kandidata za premijera Kantona.

pogledati Amandman XXII

Član 19

Način rada Skupštine

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Skupština donosi poslovník većinom glasova poslanika.

pogledati Amandmane IV, XXIII i XLVI

Obrazloženje uz Amandman XLVI

Ovim amandmanom mijenja se član 19. Ustava Kantona Sarajevo, koji je prethodno mijenjan Amandmanom XXIII na Ustav Kantona Sarajevo.

Stav 3. člana 19. nije brisan prilikom prethodnih amandmanskih izmjena stava 2. ovog člana, mada se radi o punavljaju iješćenja propisanih stavom 2. tog člana.

ZAKON

O PROSTORNOM UREĐENJU KANTONA SARAJEVO

("Sl. novine Kantona Sarajevo", br. 24/2017 i 1/2018)

DIO PRVI

POGLAVLJE I - OSNOVNE ODREDBE

Član 1

(Predmet Zakona)

Ovim zakonom propisuju se principi planskog uređenja, korištenja, zaštite i upravljanja prostorom, osnove prostornog planiranja, vrste, sadržaj, način izrade i postupak donošenja planskih dokumenata, način provođenja planskih dokumenata, uređenje građevinskog zemljišta, lokacijska informacija, investiciono - tehnička dokumentacija, donošenje urbanističke saglasnosti i urbanističko - tehnički uvjeti, odobrenje za građenje, tehnička svojstva građevine, učesnici u projektovanju i građenju, gradilište, upotreba i održavanje građevine, sistem informacija o stanju u prostoru, inspekcijski nadzor i nadzor nad provođenjem ovog Zakona, kao i druga pitanja od značaja za prostorno uređenje i građenje na području Kantona Sarajevo (u daljem tekstu: Kanton).

Član 2

(Značenje pojedinih izraza)

Izrazi upotrijebljeni u ovom zakonu imaju sljedeća značenja:

a) **Centar za pružanje usluga iz oblasti prostornog uređenja i građenja** obavlja poslove informiranja i pribavljanja saglasnosti, uvjerenja i drugih akata po službenoj dužnosti u postupcima iz oblasti prostornog uređenja i građenja, a formira ga nadležni organ.

b) **Dijelovi (etaže), visina i gabariti građevine:**

- **Podrum (Po)** je dio građevine potpuno ukopan ili je ukopan više od 50% svoga volumena u konačno uređeni zaravnani teren i čiji se prostor nalazi ispod poda prizemlja, odnosno suterena;

- **Suteren (S)** je dio građevine čiji se prostor nalazi ispod poda prizemlja i ukopan je do 50% svoga volumena u konačno uređeni i zaravnani teren i da je najmanje jednom svojom fasadom izvan uređenog terena;

- **Prizemlje (P)** je dio građevine čiji se prostor nalazi neposredno na površini, odnosno najviše 1,5m iznad konačno uređenog i zaravnalog terena mjereno na najnižoj tački uz fasadu građevine, ili čiji se prostor nalazi iznad podruma i/ili suterena (ispod poda sprata ili krova);

- **Sprat** je dio građevine čiji se prostor nalazi između dva poda iznad prizemlja;

- **Potkrovlje (Pk), odnosno mansarda (M)** je dio građevine čiji se prostor nalazi iznad zadnjeg sprata i neposredno ispod kosog ili zaobljenog krova;

- **Visina građevine** mjeri se od konačno zaravnalog i uređenog terena uz fasadu građevine na njegovom najnižem dijelu do gornjeg ruba stropne konstrukcije zadnjeg sprata, odnosno do vrha sljemena krova, ako se radi o kosom krovu ili do vrha atike kod ravnog krova.

c) **Dogradnjom** se smatra svako proširenje postojeće građevine, ne više od 50%, kojim se zauzima zemljište ili prostor u odnosu na tu građevinu, ako dograđeni dio čini građevinsku i funkcionalnu cjelinu sa građevinom uz koju se dograđuje.

d) **Energetski certifikat** je dokument kojeg izdaje ovlašteno lice, a koji sadrži vrijednosti koje odražavaju energetska svojstva objekta i potrošnju energije izračunatu na osnovu pretpostavljenog režima korištenja

a) Razvojni planski dokumenti su:

- 1) prostorni plan Kantona,
- 2) prostorni plan područja posebnih obilježja Kantona,
- 3) urbanistički plan.

(3) Detaljni planski dokumenti su tehničko-regulativni provedbeni planski dokumenti kojima se reguliše korištenje zemljišta, izgradnja i uređenje prostora. Rade se za vremenski period od najmanje pet godina.

a) Detaljni planski dokumenti su:

- 1) zoning plan,
- 2) regulacioni plan,
- 3) urbanistički projekat.

(4) Ostali planski dokumenti su:

a) plan parcelacije.

(5) Planski dokumenti se rade na osnovu ovog zakona, posebnih zakona i posebnog akta o jedinstvenoj metodologiji za izradu planskih dokumenata donesenog od strane nadležnog organa Federacije BiH.

Član 18

(Prostorni plan Kantona)

(1) Prostorni plan Kantona preuzima, usklađuje se, razrađuje i dopunjava planska opredjeljenja iz Prostornog plana Federacije BiH, koja se odnose na prostor Kantona. Uz potpuno uvažavanje prirodnih i kulturno-historijskih vrijednosti, Prostorni plan Kantona utvrđuje osnovna načela planskog uređenja prostora, ciljeve prostornog razvoja, te zaštitu, korištenje i namjenu prostora, a naročito:

- a) osnovnu namjenu prostora (poljoprivredno, šumsko, građevinsko zemljište, vodno dobro i druge površine);
- b) sistem naselja po značaju, karakteru i dominantnoj privrednoj djelatnosti;
- c) urbana i ruralna područja sa režimima građenja;
- d) prostore i zone predviđene za izgradnju privrednih građevina, infrastrukture i sl.;
- e) osnovu prostornog razvoja vanurbanih područja (poljoprivreda, stočarstvo, šumarstvo, turizam, i dr.);
- f) građevine i koridore magistralne i druge infrastrukture od značaja za Federaciju BiH, Kanton, Grad i općine, sa zaštitnim infrastrukturnim pojasevima (saobraćajna, vodoprivredna, energetska, telekomunikaciona i druga infrastruktura);
- g) drugu infrastrukturu od značaja za Federaciju BiH, Kanton, Grad i općine (zdravstvo, obrazovanje, nauka, kultura, sport, uprava, turizam, bankarstvo, usluge, snabdijevanje i itd.);
- h) prostorno definiranje ležišta mineralnih i ostalih sirovina i mogućnosti njihovog korištenja;
- i) mjere zaštite okoliša sa razmještajem građevina i postrojenja koje mogu značajnije ugroziti okoliš;
- j) mjere zaštite kulturno-historijskog naslijeđa;
- k) mjere zaštite prirode;
- l) mjere zaštite stanovnika i materijalnih dobara od prirodnih i ljudskim djelovanjem izazvanih, nepogoda i katastrofa i ratnih djelovanja;
- m) obaveze u pogledu detaljnijeg planiranja uređenja manjih prostornih cjelina unutar Kantona (područja posebnog obilježja, urbanistički plan i dr.);
- n) obaveze u pogledu eksploatacije i sanacije devastiranih površina (podzemna i površinska eksploatacija mineralnih sirovina);

o) uvjete korištenja, izgradnje, uređenja i zaštite prostora.

(2) Odluka o usvajanju plana, odluka o provođenju prostornog plana Kantona i program mjera i aktivnosti za provođenje plana sastavni su dijelovi plana.

(3) Prostorni plan Kantona može sadržavati i druge elemente od značaja za Kanton, na osnovu ovog zakona.

(4) Prostorni plan Kantona donosi se za period od 20 godina.

Član 19

(Prostorni plan područja posebnih obilježja Kantona)

(1) Prostorni plan područja posebnih obilježja Kantona donosi se za područja od posebnog značaja za Kanton, ako se ta obaveza utvrdi Prostornim planom Kantona ili posebnom odlukom Skupštine Kantona Sarajevo (u daljem tekstu: Skupština Kantona).

(2) Područja posebnog obilježja Kantona utvrđuju se za:

a) područja koja imaju izrazit prirodni i kulturno-historijski značaj;

b) slivno područje hidroakumulacija za potrebe vodosnabdijevanja;

c) područje zaštite i/ili eksploatacije mineralnih sirovina, izvorišta mineralnih, termomineralnih i pitkih voda;

d) područja za potrebe održavanja sportskih manifestacija, rekreativne površine i banjska lječilišta;

e) ostala područja od interesa za Kanton.

(3) Prostorni plan područja posebnih obilježja utvrđuje, s obzirom na zajednička prirodna, kulturna, historijska, privredna i druga obilježja, osnovnu organiziranost prostora, mjere korištenja, uređenja i zaštite tog područja sa aktivnostima koje imaju prednost, mjere za unapređenje i zaštitu okoliša, a po potrebi se određuje obaveza izrade urbanističkih planova i dokumenata uređenja za uža područja unutar prostornog plana područja posebnih obilježja.

Član 20

(Urbanistički plan)

(1) Urbanistički planovi se donose za urbana područja, a granice područja za koje se izrađuju definišu se Prostornim planom Kantona.

(2) Urbanistički planovi donose se za:

a) urbano područje Grada Sarajevo (Stari Grad, Centar, Novo Sarajevo, Novi Grad, Ilidža i

b) Vogošća);

c) urbano područje Ilijaš;

d) urbano područje Hadžići;

e) urbano područje Trnovo.

(3) Urbanističkim planovima detaljnije se razrađuju opredjeljenja iz Prostornog plana Kantona, a naročito:

a) osnovna organizacija prostora;

b) korištenje i namjena zemljišta sa prijedlogom dinamike njihovog uređenja (granice građevinskog, poljoprivrednog i šumskog zemljišta);

c) namjena zemljišta za potrebe stanovanja, rada, rekreacije, sporta, turizma i posebne namjene;

d) zone saobraćajne, vodne, energetske i komunalne infrastrukture;

e) zone obnove i sanacije;

c) područja gdje se pojavila potreba za izgradnjom grupe objekata, odnosno arhitektonsko-urbanističkog kompleksa i

d) područja koja imaju poseban kulturno-historijski značaj, prirodni značaj i druga područja.

(2) Urbanistički projekat definiše idejna urbanistička i arhitektonska rješenja planiranog objekta, odnosno arhitektonsko-urbanističkog kompleksa sa detaljnim uvjetima za projektovanje i građenje novih objekata, kao i rekonstrukciju postojećih.

(3) Urbanistički projekat sadrži:

a) obrazloženje namjene površina;

b) obrazloženje namjene objekata, prostorna organizacija;

c) podatke o saobraćajnoj, energetske, hidrotehničkoj, telekomunikacionoj i drugoj infrastrukturi, nivelaciona i regulaciona rješenja;

d) podatke o objektima pejzažne arhitekture;

e) podatke o ostalim javnim površinama i prostorima;

f) podatke o komunalnoj infrastrukturi sa uvjetima priključenja koji odgovaraju zahtjevima za izdavanje lokacijske informacije i urbanističke saglasnosti;

g) smjernice za ostvarenje, odnosno realizaciju projekta.

Član 25

(Nadležnosti)

(1) Prostorni plan Kantona donosi Skupština Kantona po prethodno pribavljenom mišljenju općinskih načelnika, gradonačelnika i Federalnog ministarstva prostornog uređenja na prijedlog Prostornog plana Kantona.

(2) Prostorni plan područja posebnih obilježja od značaja za Kanton donosi Skupština Kantona po prethodno pribavljenom mišljenju općinskih načelnika na prijedlog prostornog plana područja posebnih obilježja općina čije dijelove područja obuhvata prijedlog tog plana.

(3) Urbanistički plan za urbano područje Grada Sarajeva donosi Gradsko vijeće po prethodno pribavljenom mišljenju Ministarstva prostornog uređenja, građenja i zaštite okoliša Kantona Sarajevo (daljem tekstu: Ministarstvo) i načelnika općina u sastavu Grada Sarajeva.

(4) Urbanističke planove za urbana područja vangradskih općina donosi općinsko vijeće po prethodno pribavljenom mišljenju Ministarstva.

(5) Zoning planove za područje općina u sastavu Grada Sarajeva donosi općinsko vijeće po pribavljanju mišljenja Gradonačelnika Grada Sarajeva u svim fazama pripreme i donošenja plana.

(6) Zoning planove za područje općine izvan teritorije Grada Sarajeva donosi općinsko vijeće.

(7) Regulacione planove za područje općina u sastavu Grada Sarajeva donosi općinsko vijeće uz uključanje Grada Sarajeva u izradu plana kao subjekta planiranja u svim fazama pripreme i donošenja plana.

(8) Regulacione planove za područje općine izvan teritorije Grada Sarajeva donosi općinsko vijeće.

(9) Regulacione planove koji u svom području planiranja obuhvataju prostore dvije općine, donose zajednički u istovjetnom tekstu općinska vijeća općina čiju teritoriju obuhvataju regulacioni planovi, uz uključanje Grada Sarajeva u izradu plana kao subjekta planiranja u svim fazama pripreme i donošenja plana ukoliko su jedna ili obje općine u sastavu Grada Sarajeva.

(10) Urbanističke projekte donosi općinsko vijeće.

(11) Za područja za koja Skupština Kantona utvrdi da su od značaja za Kanton Sarajevo za izgradnju javne infrastrukture, po prethodno pribavljenom mišljenju općinskih organa, a za izgradnju javnih objekata uz prethodno pribavljenu saglasnost općinskih organa, detaljne planske dokumente donosi Skupština Kantona na prijedlog Vlade Kantona Sarajevo (u daljem tekstu: Vlada Kantona).

(1) Zavod za planiranje razvoja Kantona Sarajevo i Zavod za informatiku i statistiku Kantona Sarajevo vode dokumentaciju potrebnu za praćenje stanja u prostoru, izradu i praćenje provođenja planskih dokumenata.

(2) Izvještaj o stanju u prostoru na području Kantona i općina izrađuje Zavod za planiranje razvoja Kantona Sarajevo, svake dvije godine od donošenja Prostornog plana Kantona.

(3) Izvještaj o stanju u prostoru sadrži analizu provođenja planskih dokumenata i drugih dokumenata, ocjenu provedenih mjera i njihove učinkovitosti na planskom korištenju prostora, na zaštiti vrijednosti prostora i okoliša, te druge elemente od značaja za plansko uređenje prostora Kantona i općina.

Član 30

(Program mjera i aktivnosti za unapređenje stanja u prostoru)

(1) Skupština Kantona, na osnovu Izvještaja o stanju u prostoru donosi četverogodišnji Program mjera i aktivnosti za unapređenje stanja u prostoru Kantona uz predhodno pribavljeno mišljenje gradonačelnika i općinskih načelnika.

(2) Program mjera sadrži procjenu potrebe izrade novih, odnosno izmjene i dopune postojećih planskih dokumenata, potrebu pribavljanja podataka i stručnih podloga za njihovu izradu, te druge mjere i aktivnosti od značaja za izradu i donošenje tih dokumenata.

(3) Programom mjera može se utvrditi potreba uređenja, izvori finansiranja uređenja, te rokovi uređenja za planiranu namjenu.

(4) Programom mjera u dijelu koji se odnosi na područja posebnih obilježja, utvrđuju se i druge mjere za provođenje politike planskog uređenja prostora i izrade planskih dokumenata.

(5) Na inicijativu općinskih načelnika, Program mjera i aktivnosti za unapređenje stanja u prostoru Kantona se može revidirati na godišnjem nivou shodno iskazanim potrebama lokalnih zajednica.

Član 31

(Finansijska sredstva za pripremu, izradu i praćenje provođenja planskih dokumenata)

(1) Sredstva za pripremu, izradu i praćenje provođenja prostornog plana, urbanističkog plana i detaljnih planskih dokumenata na području općine, obezbjeđuju se iz budžeta Kantona, Grada i općina, zavisno od nadležnosti. Ukoliko se radi zajednički planski dokument za područje dvije ili više općina, sredstva se obezbjeđuju iz budžeta tih općina.

(2) Izuzetno od stava (1) ovog člana, investitor koji ima poseban interes za izradu detaljnog planskog dokumenta za određeno područje, može svojim sredstvima finansirati izradu detaljnog planskog dokumenta, bez prava nametanja zahtjeva i rješenja koja nisu u skladu sa urbanističkim, odnosno prostornim planom. Iznos finansijskog ulaganja uzima se u obzir kod utvrđivanja naknade za uređenje zemljišta.

(3) Sredstva potrebna za pripremu, izradu i praćenje provođenja planskih dokumenata mogu se obezbijediti i iz drugih izvora.

POGLAVLJE IV - PRIPREMA, IZRADA I USVAJANJE PLANSKIH DOKUMENATA

Član 32

(Nosilac pripreme planskog dokumenta)

(1) Nosilac pripreme planskih dokumenata koje usvaja Skupština Kantona je Vlada Kantona.

(2) Za planske dokumente koje usvaja Gradsko vijeće Grada Sarajeva, nosilac pripreme je gradonačelnik.

(3) Za planske dokumente koje usvaja općinsko vijeće, nosilac pripreme je općinski načelnik.

(4) Ako su za donošenje planskih dokumenata nadležne dvije ili više općina koje nisu u sastavu Grada Sarajeva, nosilac pripreme utvrđuje se sporazumno.

(5) Izradu planskih dokumenata pokreće nosilac pripreme planskih dokumenata.

(6) Nosilac pripreme plana višeg reda iz stava (1) ovog člana posebnom odlukom može formirati Savjet plana radi stručnog praćenja izrade planskog dokumenta, stručne rasprave o svim fazama izrade, utvrđivanja osnovne koncepcije prostornog razvoja, te usaglašavanja stavova i interesa.

(7) Savjet plana sačinjavaju istaknuti stručnjaci iz oblasti prostornog planiranja: urbanizma, arhitekture, građevinarstva, saobraćaja, energetike, okoliša, ekonomije i drugih oblasti.

Član 33

(Obaveze nosioca pripreme i nosioca izrade)

(1) Nosilac pripreme dužan je odmah po donošenju odluke o pristupanju izradi planskog dokumenta, a najkasnije u roku od 30 dana dostaviti nosiocu izrade svu raspoloživu dokumentaciju, neophodnu za izradu plana, a naročito:

- a) plan višeg reda;
- b) važeće detaljne planske dokumente, uključujući njihove izmjene i dopune;
- c) Kantonalne i općinske planove zaštite okoliša;
- d) planove razvoja i zaštite voda, privrede, poljoprivrede, i dr.;
- e) podatke o geološkoj podlozi, energetske, mineralnim i drugim resursima;
- f) katastarske i geodetske podloge i dr.

(2) Ukoliko je nosilac izrade planskog dokumenta Zavod za planiranje razvoja Kantona Sarajevo, nije potrebno dostavljati dokumentaciju iz stava (1) tač. a) i b) ovog člana.

(3) Nakon donošenja odluke o pristupanju izradi ili izmjeni planskih dokumenata, nosilac pripreme, dužan je javno objaviti poziv zainteresovanim stranama, koje su vlasnici nekretnina u obuhvatu planskog dokumenta da dostave svoje prijedloge i sugestije za određena planska rješenja na zemljištu.

(4) Zainteresovane strane iz stava (3) ovog člana dužne su da u roku od 30 dana, po isteku javnog poziva, dostave tražene podatke i dokumentaciju, te svoje prijedloge i sugestije za određena planska rješenja na cijelom području obuhvaćenom planom, a koja se tiču njihove imovine.

(5) Zavisno od postojećeg stanja i planirane namjene prostora i objekata u obuhvatu dokumenta prostornog uređenja, nosilac izrade dužan je pribaviti mišljenja organa, organizacija ili drugog pravnog ili fizičkog lica u čijem djelokrugu su:

- a) snabdijevanje vodom i odvođenje otpadnih voda;
- b) snabdijevanje električnom energijom;
- c) snabdijevanje toplotnom, rashladnom energijom i prirodnim gasom;
- d) telekomunikacioni i poštanski saobraćaj;
- e) upravljanje javnim putevima u naselju i izvan naselja;
- f) zaštita kulturno-historijskog naslijeđa;
- g) zaštita prirodnih vrijednosti;
- h) protupožarna zaštita;
- i) upravljanje komunalnim otpadom;
- j) zaštita okoliša;
- k) upravljanje poljoprivrednim zemljištem;
- l) seizmološka djelatnost.

(6) Organ, organizacija ili drugo pravno ili fizičko lice iz stava (5) ovog člana dostavlja svoje mišljenje u roku od 30 dana od dana prijema zahtjeva.

(7) Nosilac pripreme plana dužan je odmah proslijediti dobivena mišljenja, prijedloge i sugestije iz stava (4) ovog člana nosiocu izrade planskog dokumenta.

Član 34

(Odluka o pristupanju izradi ili izmjeni planskih dokumenata)

(1) Prije pristupanja izradi ili izmjeni planskih dokumenata Skupština Kantona, Gradsko ili općinsko vijeće, zavisno od nadležnosti za donošenje, donosi Odluku o pristupanju izradi ili izmjeni planskih dokumenata.

(2) Odluka iz stava (1) ovog člana sadrži:

- a) vrstu planskog dokumenta čijoj se izradi ili izmjeni pristupa;
- b) granice područja za koji se dokument izrađuje ili mijenja;
- c) vrstu planskog dokumenta višeg reda na osnovu kojeg se pristupa izradi planskog dokumenta;
- d) vremenski period za koji se planski dokument donosi;
- e) smjernice za izradu ili izmjenu planskog dokumenta;
- f) optimalni rok izrade;
- g) sadržaj planskog dokumenta;
- h) odredbe o učešću javnosti - javnoj raspravi i javnom uvidu;
- i) način osiguranja sredstava za izradu ili izmjenu planskog dokumenta;
- j) nosioca pripreme za izradu ili izmjenu planskog dokumenta;
- k) nosioca izrade ili izmjene planskog dokumenta;
- l) subjekte planiranja;
- m) druge elemente u ovisnosti od specifičnosti područja za koje se planski dokument izrađuje.

(3) Odluka o pristupanju izradi Prostornog plana Kantona obavezno sadrži i Stratešku procjenu uticaja na okoliš, dok se za ostale planske dokumente ova obaveza utvrđuje po prethodno pribavljenom mišljenju Ministarstva u skladu s posebnim propisima.

(4) Odlukom o pristupanju izradi planskog dokumenta, može se utvrditi režim zabrane građenja na prostoru ili dijelu prostora za koji se izrađuje, do donošenja istog, a najduže u trajanju od jedne godine.

(5) Odluka o pristupanju izradi ili izmjeni planskog dokumenta objavljuje se u "Službenim novinama Kantona Sarajevo".

Član 35

(Nosilac izrade planskog dokumenta)

(1) Nosilac izrade planskih dokumenata je Zavod za planiranje razvoja Kantona Sarajevo (u daljem tekstu: nosilac izrade).

(2) Nosilac izrade može fazu izrade planskog dokumenta ili njegovog dijela povjeriti pravnom licu registrovanom za tu vrstu djelatnosti, uz saglasnost nosioca pripreme.

(3) Pravno lice iz stava (2) ovog člana dužno je obezbijediti za pojedine faze planskog dokumenta stručno lice odgovarajuće struke koje ima formalne i stručne reference.

(4) Nosilac izrade dužan je pravnom licu iz stava (2) ovog člana staviti na raspolaganje dokumentaciju neophodnu za izradu planskog dokumenta, a naročito analitičko-dokumentacionu osnovu planskog dokumenta.

(5) Izuzetno od odredbe stava (1) ovog člana, nosilac pripreme može izradu urbanističkog projekta povjeriti pravnom licu registrovanom za djelatnost izrade planskih dokumenata (u daljem tekstu: nosilac izrade urbanističkog projekta), putem javnog konkursa u skladu sa propisima iz oblasti javnih nabavki.

(6) U slučajevima iz stava (5) ovog člana nosilac pripreme nakon usvajanja, dostavlja ovjeren urbanistički projekat, u analognom i digitalnom obliku, Zavodu za planiranje razvoja Kantona Sarajevo.

(7) Nosilac izrade je dužan da svaku fazu izrade planskog dokumenta, uradi u skladu sa ovim zakonom, propisima donesenim na osnovu ovog zakona i odlukom o pristupanju izradi planskog dokumenta, kao i svim dokumentima dostavljenim od strane nosioca pripreme.

Član 36

(Prednacrt i nacrt planskog dokumenta)

(1) Nosilac izrade obavezan je nosiocu pripreme predati prednacrt planskog dokumenta sa svim dijelovima koje odgovarajući dokumenti treba da sadrže.

(2) Prednacrt planskog dokumenta se dostavlja Savjetu plana radi davanja stručnog mišljenja koje prethodi utvrđivanju nacrta planskog dokumenta.

(3) Na prednacrt plana nosilac pripreme plana i članovi Savjeta daju eventualne primjedbe, prijedloge i sugestije na predloženi dokument, zauzima se stav i formuliraju zaključci sa preporukama koji se dostavljaju nosiocu izrade.

(4) Nosilac izrade razmatra primjedbe, mišljenja i sugestije na prednacrt, prihvaćena rješenja ugrađuje u nacrt planskog dokumenta i dostavlja ga nosiocu pripreme, uz odgovarajuće obrazloženje.

(5) Nacrt planskog dokumenta sadrži grafički i tekstualni dio, a za potrebe rasprave na javnim skupovima i sjednicama Skupštine Kantona, odnosno Gradskog i općinskog vijeća, posebno se izrađuje skraćeni nacrt sa najvažnijim grafičkim i tekstualnim priložima, a koji su dovoljno detaljni i informativni.

Član 37

(Javni uvid i javna rasprava)

(1) Nosilac izrade je dužan predstaviti nacrt planskog dokumenta nosiocu pripreme i Savjetu plana (ako je formiran) i nakon diskusije o njemu, nacrt se prihvata zaključkom nosioca pripreme i prosljeđuje Skupštini Kantona, odnosno Gradskom ili općinskom vijeću, u zavisnosti od nivoa nadležnosti za donošenje određenog dokumenta, na razmatranje i utvrđivanje. U suprotnom, nacrt se vraća nosiocu izrade sa primjedbama, sugestijama i rokom za doradu, nakon čega se ponavlja prethodna procedura.

(2) Skupština Kantona, odnosno Gradsko ili općinsko vijeće razmatra i utvrđuje nacrt planskog dokumenta i stavlja ga na javni uvid i javnu raspravu pod uvjetima i u trajanju utvrđenom u Odluci o pristupanju izradi planskog dokumenta.

(3) Organizacija javnog uvida i rasprava, te prateća tehnička pitanja su obaveza i odgovornost nosioca pripreme.

(4) O mjestu, vremenu i načinu izlaganja nacrta planskog dokumenta na javni uvid, javnost se obavještava oglasom koji se objavljuje u sredstvima javnog informisanja najmanje tri puta, s tim da se prva obavijest objavljuje osam dana prije početka javnog uvida, a druge dvije dva dana uzastopno, neposredno pred početak javnog uvida.

(5) Obavijest iz stava (4) ovog člana sadrži mjesto, datum, početak i trajanje javnog uvida u planski dokument, mjesto i datum najmanje dvije prezentacije i rasprave na javnim skupovima te na sjednicama Skupštine Kantona, odnosno Gradskog i općinskog vijeća, te rok do kojeg se mogu poslati pisana mišljenja, prijedlozi i primjedbe na nacrt dokumenta.

(6) Javni uvid za planske dokumente iz nadležnosti Kantona ne može trajati kraće od 60 niti duže od 90 dana. Javni uvid za planske dokumente iz nadležnosti Grada i općina može trajati za detaljne planske dokumente do 30 dana.

(7) Nacrt planskog dokumenta izlaže se na javni uvid u integralnoj formi na prikladan način u odgovarajućim prostorijama u mjesnim zajednicama uz prisustvo stručnih lica koja mogu dati određena obavještenja, a prvenstveno je namijenjen vlasnicima zemljišta i zakonitim korisnicima prostora u području obuhvaćenom

UREDBA

O JEDINSTVENOJ METODOLOGIJI ZA IZRADU PLANSKIH DOKUMENATA

(*"Sl. novine FBiH", br. 63/2004, 50/2007 i 84/2010*)

I - OPĆE ODREDBE

Član 1

Ovom uredbom utvrđuje se postupak pripreme, izrade i sadržaj planskih dokumenata na svim nivoima prostornog planiranja u Federaciji Bosne i Hercegovine (u daljem tekstu: Federacija).

Član 2

Planski dokumenti sadrže tekstualni i grafički dio. Tekstualni dio sadrži obrazloženje za izradu dokumenata, ciljeve prostornog razvoja, planirano prostorno uređenje, te odredbe za provođenje planskih dokumenata. Grafički dio sadrži kartografske prikaze i grafičke priloge na kojima se prikazuje stanje i planirani zahvati u prostoru.

Član 3

Nosioc pripreme planskih dokumenata (u daljem tekstu: nosioc pripreme) imenuje se odlukom o pristupanju izradi ili izmjeni planskih dokumenata, u skladu sa odredbama Člana 24. Zakon o prostornom planiranju i korištenju zemljišta na nivou Federacije Bosne i Hercegovine - u daljnjem tekstu: Zakon o prostornom planiranju i korištenju zemljišta (*"Službene novine Federacije BiH", broj 2/06*).

Član 4

Izbor nosioca izrade planskih dokumenata (u daljem tekstu: nosioc izrade) vrši se u skladu sa odredbama Člana 26. Zakona o prostornom planiranju i korištenju zemljišta.

Član 5

Prije donošenja Odluke o pristupanju izradi planskih dokumenata nosioc pripreme radi Program i plan aktivnosti za pripremu i izradu planskih dokumenata.

Član 6

Program i plan aktivnosti za pripremu i izradu planskih dokumenata sadrži: razloge za pristupanje izradi planskih dokumenata, precizno se definira šta se radi, odnosno koji planski dokument, učesnici u pripremi i izradi planskih dokumenata, obim i vrsta stručnih podloga (ovisno o vrsti planskog dokumenta) potrebnih za pripremu i izradu planskih dokumenata, postupak i dinamika izrade planskih dokumenata, sa preciziranim obavezama i rokovima sudionika pripreme i izrade planskih dokumenata, kao i potrebna sredstva i izvori sredstava za izradu planskih dokumenata.

Član 7

U svim fazama pripreme i izrade planskih dokumenata, na svim nivoima prostornog planiranja u Federaciji obavezno je obezbijediti sudjelovanje javnosti.

Nosioc pripreme obavezni su izraditi Program uključivanja javnosti u proces pripreme i izrade za sve planske dokumente iz Člana 6. stav 2. tač. 1. do 3. Zakona o prostornom planiranju i korištenju zemljišta.

Program uključivanja javnosti, iz stava 1. ovog Člana, sastavni je dio Programa i plana aktivnosti za pripremu i izradu planskih dokumenata.

Programom uključivanja javnosti precizno se definiraju načini uključivanja javnosti (organiziranje tribina, okruglih stolova, javnih rasprava i drugih oblika uključivanja javnosti) u svim fazama pripreme i izrade planskih

dokumenata.

Član 8

Nosioc pripreme sklapa ugovor sa nosiocem izrade, kojim se definišu obaveze ugovornih strana. Nosioc pripreme može povjeriti nosiocu izrade i dio aktivnosti na pripremi planskih dokumenata, što se definiše navedenim ugovorom.

Nosioc pripreme dužan je nosiocu izrade, u toku izrade planskih dokumenata, staviti na raspolaganje svu raspoloživu dokumentaciju u skladu sa Članom 25. stav 1. Zakona o prostornom planiranju i korištenju zemljišta.

Nosioc izrade plana dužan je prednacrt, nacrt i prijedlog planskih dokumenata, izraditi u skladu sa Zakonom i u svemu prema odredbama ove uredbe.

Nosioc izrade dostavlja nosiocu pripreme, prednacrt planskih dokumenata prema jedinstvenom konceptu, odnosno u analognoj formi: tekstualni dio u 3 (tri) primjerka i grafički dio 3 (tri) primjerka, kao i u digitalnoj formi - cjelokupni sadržaj plana (tekstualni i grafički dio) nanjamnje 1 (jedan) primjerak (na računarskom mediju), kako je definisano odredbama čl. 74. do 79. ove uredbe. Nosioc izrade može dostaviti nosiocu pripreme veći broj primjeraka, ako je to utvrđeno

Nosioc pripreme zauzima stav u pogledu dostavljenih primjedbi i sugestija, sa obrazloženjem i razlozima zbog kojih pojedine primjedbe i sugestije nisu prihvaćene i dostavlja ga nosiocu izrade plana.

Nosioc izrade plana dužan je i u tekstualnom i grafičkom dijelu prijedloga planskih dokumenata izvršiti izmjene u skladu sa prihvaćenim primjedbama na nacrt planskih dokumenata.

Član 9

U skladu sa članom 23. stav 5. Zakona o prostornom planiranju i korištenju zemljišta, izmjena planskih dokumenata vrši se po istom postupku i na način predviđen za pripremu i izradu tog dokumenta.

II- SADRŽAJ DOKUMENATA PROSTORNOG UREĐENJA

OSNOVNI SADRŽAJ I DOKUMENTACIJA PROSTORNOG PLANA

Član 10

Nosioc pripreme Prostornog plana (u daljem tekstu: nosioc pripreme plana) može formirati Savjet Prostornog plana (u daljem tekstu: Savjet plana), u skladu sa Članom 25. stav 5. Zakona o prostornom planiranju i korištenju zemljišta.

U toku procesa pripreme i izrade Prostornog plana, Savjet plana pomaže nosiocu pripreme plana u usaglašavanju sektorskih politika, izboru stručnjaka i stručnih institucija za studije, elaborate i dr., daje mišljenje o primjedbama i sugestijama prikupljenim u toku komunikacija sa javnošću prema Programu uključivanja javnosti i u toku razmatranja nacrt, odnosno prijedloga Prostornog plana u nadležnim organima i učestvuje u ostalim aktivnostima (koje su definisane odlukom o pristupanju izradi dokumenta prostornog uređenja) sve do usvajanja Prostornog plana.

Nosioc pripreme plana zauzima stav u pogledu dostavljenih primjedbi i sugestija, kao i mišljenja Savjeta plana, daje obrazloženje i razloge za neprihvatanje pojedinih primjedbi i sugestija i dostavlja ga nosiocu izrade plana.

Nosioc izrade plana dužan je unijeti sve prihvaćene primjedbe i sugestije u tekstualni i grafički dio nacrt, odnosno prijedloga Prostornog plana.

Član 11

Postupak pripreme i izrade Prostornog plana obuhvata dvije osnovne faze:

- a) priprema i izrada Prostorne osnove,
- b) izrada prednacrt, nacrt i prijedloga Prostornog plana.

a) Postupak pripreme i izrade Prostorne osnove

ZAKON

O ORGANIZACIJI ORGANA UPRAVE U FEDERACIJI BOSNE I HERCEGOVINE

(*"Sl. novine FBiH", br. 35/2005*)

I. OSNOVNE ODREDBE

Član 1

Ovim Zakonom uređuje se organizacija i način funkcioniranja organa državne uprave u Federaciji Bosne i Hercegovine (u daljnjem tekstu: Federacija) koja obuhvata: položaj, ulogu, ustrojstvo, ovlaštenja i obaveze u obavljanju upravnih, stručnih i drugih poslova, međusobne odnose organa uprave i odnos organa uprave prema građanima, organima izvršne i zakonodavne vlasti, ombudsmenima, privrednim društvima i drugim pravnim licima (u daljnjem tekstu: pravno lice), kao i druga pitanja od značaja za organizaciju i rad organa državne uprave na svim nivoima vlasti u Federaciji.

Član 2

Organi državne uprave Federacije, kantona, grada i općina (u daljnjem tekstu: organi uprave) osnivaju se za obavljanje upravnih, stručnih i drugih poslova koji se zakonom i drugim propisima stavljaju u njihovu nadležnost.

Određene upravne poslove mogu obavljati i pravna lica kada im je zakonom, odnosno odlukom općinskog i gradskog vijeća povjereno vršenje javnih ovlaštenja na način predviđen ovim Zakonom.

Član 3

Organi uprave dužni su u svom radu osigurati efikasno i potpuno ostvarivanje svih prava i sloboda građana koja su predviđena u Ustavu Federacije Bosne i Hercegovine (u daljnjem tekstu: Ustav Federacije) i u aktima navedenim u Aneksu Ustava Federacije Bosne i Hercegovine (u daljnjem tekstu: Aneks).

Organi uprave dužni su u poslovima iz svoje nadležnosti sarađivati sa svim međunarodnim posmatračkim tijelima za ljudska prava koja su osnovana za Bosnu i Hercegovinu i Federaciju, kao i sa nadzornim organima koji su osnovani na osnovu međunarodnih dokumenata navedenih u Aneksu.

Član 4

Rad organa uprave zasniva se na: načelu zakonitosti, transparentnosti, javnosti, odgovornosti, efikasnosti, ekonomičnosti, profesionalnoj nepristrasnosti i političkoj nezavisnosti, ukoliko za određene izuzetne situacije za neke od ovih načela zakonom nije drugačije određeno.

Organi uprave poslove uprave iz svoje nadležnosti obavljaju samostalno u granicama ovlaštenja utvrđenih u ustavu, zakonu i drugim propisima.

Član 5

Nadležnost federalnih i kantonalnih organa uprave i upravnih organizacija utvrđuje se zakonom kojim se uređuje određena upravna oblast, a nadležnost općinskih i gradskih organa uprave utvrđuje se odlukama općinskog, odnosno gradskog vijeća kojima se uređuju poslovi lokalne samouprave općine, odnosno grada.

Kantonalni, općinski i gradski organi nadležni su da obavljaju i upravne i stručne poslove koji se federalnim, odnosno kantonalnim zakonom delegiraju ili prenesu na kanton, općinu, odnosno grad.

Član 6

U organima uprave u ravnopravnoj upotrebi kao službeni jezici su: bosanski jezik, hrvatski jezik i srpski jezik.

2) premijer kantona za propise koje su donijeli rukovodioci kantonalnog organa uprave i upravne organizacije, odnosno općinski načelnik i gradonačelnik na osnovu kantonalnog zakona.

2. Odnos organa uprave i upravne organizacije prema organu zakonodavne vlasti

Član 98

Organi uprave i upravne organizacije odgovorni su organu zakonodavne vlasti za zakonito, potpuno, efikasno i profesionalno obavljanje poslova iz svoje nadležnosti.

Organi uprave i upravne organizacije imaju ovlaštenja i obaveze da organu zakonodavne vlasti podnose, radi razmatranja, pojedina pitanja iz svoje nadležnosti i daju preporuke u vezi sa izvršavanjem zakona i drugih propisa.

Organi uprave i upravne organizacije obavezni su na zahtjev organa zakonodavne vlasti podnositi izvještaje o svom radu, o stanju u odnosnoj oblasti i o izvršavanju zakona i drugih propisa, odgovarati na pitanja organa zakonodavne vlasti i, u skladu sa programom rada tog organa, odnosno na njegov zahtjev, pripremati zakone i druge propise, kao i analitičke, informativne i druge materijale.

3. Odnosi organa uprave prema ombudsmenima

Član 99

Odnos organa uprave prema ombudsmenima zasniva se na obavezama organa uprave utvrđenim ustavom i zakonom, odnosno propisom gradskog i općinskog vijeća.

Član 100

Organi uprave obavezni su omogućiti ombudsmenima na njihov zahtjev nesmetano ispitivanje njihove djelatnosti, odnosno djelatnosti državnih službenika i namještenika organa uprave za koje postoje podaci da su negirali ljudsko dostojanstvo, prava ili slobode, uključujući provođenje etničkog progona, ili održavanje njegovih posljedica.

Organi uprave obavezni su ombudsmenima osigurati sva službena dokumenta, uključujući i tajna, kao i upravne spise i osigurati saradnju svakog državnog službenika i namještenika posebno u pribavljanju potrebnih informacija, dokumenata i spisa.

Organi uprave obavezni su omogućiti ombudsmenu prisustvo pri rješavanju stvari u upravnom postupku.

Član 101

Ako organ uprave ne postupi po zahtjevu ombudsmena iz člana 100. ovog Zakona, ombudsmeni se mogu obratiti Vladi Federacije, odnosno vladi kantona, a u općini općinskom načelniku, odnosno gradonačelniku i zatražiti osiguranje ispunjenja njihovih zahtjeva od organa uprave.

4. Odnosi organa uprave i upravnih organizacija prema pravnim licima

Član 102

Organi uprave i upravne organizacije u okviru svoje nadležnosti imaju prema pravnim licima ovlaštenja i obaveze predviđene zakonom, odnosno propisom gradskog i općinskog vijeća, a naročito u pogledu vršenja prava nadzora nad zakonitošću rada tih pravnih lica kada su za to ovlašteni zakonom, odnosno propisom gradskog i općinskog vijeća.

Član 103

Organi uprave i upravne organizacije saraduju sa pravnim licima po pitanjima iz svoje nadležnosti koja su od značaja za rad organa uprave i upravne organizacije, ili su od interesa za rad tog pravnog lica.

Pravna lica obavezna su u skladu sa zakonom, na zahtjev organa uprave i upravne organizacije, dostavljati podatke, informacije i drugu dokumentaciju iz svoje djelatnosti, ako su ti podaci, informacije i dokumentacija od značaja za obavljanje poslova iz nadležnosti organa uprave, odnosno upravne organizacije.

5. Odnosi organa uprave i upravnih organizacija prema javnosti



Broj: 03-04-02-3243/24
Sarajevo, 07.02.2024. godine

**ZAVOD ZA PLANIRANJE RAZVOJA
KANTONA SARAJEVO**
Gosp. Faruk Muharemović, direktor
Ul. Branilaca Sarajeva 26
71000 Sarajevo

Bosna i Hercegovina
FEDERACIJA BOSNE I HERCEGOVINE
KANTON SARAJEVO
ZAVOD ZA PLANIRANJE RAZVOJA KANTONA
SARAJEVO

PRIMLJENO: 12-02-2023			
Organizaciona jedinica	Institucionalna jedinica	Broj lista	Broj priloga

PREDMET: Prijedlog Odluke o pristupanju izradi prostornog plana Kantona Sarajevo za period od 20 godina i Program i plan aktivnosti za pripremu i izradu Prostornog plana Kantona Sarajevo za period od 20 godina, mišljenje -

VEZA: Vaš akt, broj: 07-19-288-1/24 od 31.01.2024. godine

Postupajući po Vašem aktu, broj i datum veze, na osnovu člana 7. Zakona o ministarstvima i drugim organima uprave Kantona Sarajeva ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17 – Drugi novi prečišćeni tekst, 2/18 – Ispravka i 32/22), Ministarstvo pravde i uprave razmotrilo je prijedlog predmetne Odluke i Programa, i daje slijedeće

MIŠLJENJE

Prijedlog Odluke o pristupanju izradi prostornog plana Kantona Sarajevo za period od 20 godina i Program i plan aktivnosti za pripremu i izradu Prostornog plana Kantona Sarajevo za period od 20 godina su pojedinačni akti Skupštine Kantona Sarajevo, odnosno Vlade Kantona Sarajevo koji ne utiču na ostvarivanje ljudskih prava i osnovnih sloboda zaštićenih odredbama Evropske konvencije o zaštiti ljudskih prava i osnovnih sloboda i odredbama drugih pravnih akata kojima je utvrđena zaštita ljudskih prava i sloboda.

S poštovanjem,

Dostaviti:
1. Naslovu;
2 a/a



20.02.'24
MERINA H.

Bosna i Hercegovina
Federacija Bosne i Hercegovine
KANTON SARAJEVO
Ured za zakonodavstvo Vlade Kantona
Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Уред за законодавство Владе
Кантона Сарајево

Bosnia and Herzegovina
Federation of Bosnia and Herzegovina
CANTON SARAJEVO
Office for Legislature of Sarajevo Canton
Government

Bosna i Hercegovina
FEDERACIJA BOSNE I HERCEGOVINE
KANTON SARAJEVO
ZAVOD ZA PLANIRANJE RAZVOJA KANTONA
SARAJEVO

Broj: 09-02-3236/24
Sarajevo, 16.02.2024. godine

PRIMLJENO	20-02-2024	Broj priloga
Organizacija jedinice	19	288-4/24

KANTON SARAJEVO
ZAVOD ZA PLANIRANJE RAZVOJA KANTONA SARAJEVO

PREDMET: Mišljenje na prijedlog Odluke o pristupanju izradi Prostornog plana Kantona Sarajevo za period od 20 godina.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo („Službene novine Kantona Sarajevo“, broj 20/23) i člana 4. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj: 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Pravni osnov za donošenje Odluke o pristupanju izradi Prostornog plana Kantona Sarajevo za period od 20 godina sadržan je u odredbama člana 34. stav (1), a u vezi sa članom 25. stav (1) Zakona o prostornom uređenju Kantona Sarajevo („Službene novine Kantona Sarajevo“, br. 24/17 i 1/18).

Prijedlog Odluke o pristupanju izradi Prostornog plana Kantona Sarajevo za period od 20 godina sadrži isključivo stručna pitanja, te u tom smislu za njenu zakonitost odgovara nosilac pripreme predmetnog materijala.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17- Drugi novi prečišćeni tekst, 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



OPLOVLAŠTENJE VLADE KANTONA SARAJEVO

Adis Bisić, dipl. pravnik



Adresa: Hamida Dizdara 1, 71000 Sarajevo
Tel: + 387(0)33 560-449, Fax: + 387 (0) 33 560-448
Web: <http://vlada.ks.gov.ba>, E-mail: uz@vlada.ks.gov.ba



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Bosna i Hercegovina
FEDERACIJA BOSNE I HERCEGOVINE
KANTON SARAJEVO
ZAVOD ZA PLANIRANJE RAZVOJA KANTONA
SARAJEVO

Broj: 08-03-11-3245-1/24 MD
Sarajevo, 06.02.2024. godine

PRIMLJENO: 27-02-2024		
Organizaciona jedinica	Klasifikacija	Broj priloga

KANTON SARAJEVO
ZAVOD ZA PLANIRANJE RAZVOJA KANTONA SARAJEVO

Predmet: Mišljenje na prijedlog Odluke o pristupanju izradi prostornog plana Kantona Sarajevo za period od 20 godina;

Veza: Vaš dopis, broj: 07-19-288/24 od 31.01.2024. godine;

Vežano za vaš zahtjev za mišljenje na prijedlog Odluke o pristupanju izradi prostornog plana Kantona Sarajevo za period od 20 godina, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Zavod za planiranje razvoja Kantona Sarajevo je postupio u skladu sa navedenim Pravilnikom i Ministarstvu finansija uz prijedlog Odluke dostavio na mišljenje popunjen i potpisan obrazac IFP-NE, u kojem je data sljedeća izjava: „Donošenje Odluke o pristupanju izradi Prostornog plana KS za period od 20 godina predviđeno je Programom rada Skupštine KS. U budžetu KS za 2024. godinu na razdjelu 27, Zavod za planiranje razvoja Kantona Sarajevo, ekonomski kod 613900 SAK010 Ugovorene i druge posebne usluge – Prostorni planovi Kantona Sarajevo, planirana su sredstva za izradu Planova prostornog uređenja u iznosu od 350.000 KM. Postupak izrade plana predviđen je do 2027. godine, a za šta će biti potrebno planirati sredstva u budžetu za 2025., 2026. i 2027. godinu“.

Obzirom da za provođenje prijedloga Odluke nisu potrebna dodatna sredstva iz Budžeta Kantona Sarajevo, na navedeni prijedlog Odluke o pristupanju izradi prostornog plana Kantona Sarajevo za period od 20 godina, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama prijedloga Odluke koja se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF-Sektor za budžet i fiskalni sistem
3. a/a

Pripremila: Mensura Drakovac, BA menadžerka
Kontrolisala: Amina Močević, mr. oer



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

